




EX LIBRIS PAULI MENSCH









QUADRIGA ÆTERNITATIS.

IN DOMINO MORIENS ILLE BEATVS OBIT.



VNIVERSI GENERIS HVMANI

META,

Carmine composita, Iconibus et
sententiis illustrata.

Questus Iambici de vitioso horum
temporum statu.

PECCANTIVM MORS. PESSIMA.



MONACI.

APVD RAPHAELEM SADELERVM.

CIC IDC XIX.

POST FATA SVRSVM: VEL DEORSVM VOLVITVR.



Biblot. Bossiana Alexandrina.

UNIVERSITÄT ALBERT-LUDWIG

IN COMPLETUM MEDICINAE



UNIVERSITÄT GIESSEN

ALTA

LIBRARIUS COND. O. H. L. H. 1811

SEMPER PARATUM

QUESTUS LIBRARIUS O. H. L. H. 1811

LIBRARIUS O. H. L. H. 1811

LIBRARIUS O. H. L. H. 1811



LIBRARIUS O. H. L. H. 1811

LIBRARIUS O. H. L. H. 1811

Libr. Bonn. Alex. 1811

ADMODVM

REVERENDO, NOBILI

ET DOCTISSIMO VIRO, AC

Domino Ioanni Cholino, SS. Theologiæ

Doctori, Serenissimi Principis Archiepiscopi &

Electoris Colonienfis Consiliario secreto, Metro-

politanae & Cathedralis, nec non collegiatae Eccle-

siarum SS. Cassij & Florentij, Colonienfis, Leo-

dienfis, & Bonnenfis respectuè Præposito,

Archidiacono, & Canonico presbyte-

ro, Domino mihi cum primis

colendo.

INTER res, quæ tempore, re-
rum omnium edacissimo, nec
vilescunt, nec imminuuntur,
quin potius crescunt & augen-
tur, primas arbitror obtinere AMICI-
TIAM, non quamlibet tamen, & passim, sed
inter illos contractam, qui sub eodem cœ-
lo nati, domi forisq; morum & studiorum
similitudine in intimam animorum con-

EPISTOLA

ensionem coaluerunt. Talem esse illam, quæ inter te admodum Reuerende & amplissime Domine, & parentem meum, omni pietatis studio mihi colendum, ante annos plus minus quadraginta in almo Bauariæ Lycæo Ingolstadiano, discendo & docendo primitus inchoato, & deinceps in Serenissimorum, optimorumque inclytæ huius Patriæ Principum & Dominorum, obsequijs continuata, mutiusq; gratificandi studijs confirmata, huc vsq; fixo stat pede & incusso fundamento, non dubito, quin, sicut parentem meum quotidie, sic quoq; R.^{dam} Do. V.^{ram} iucunda recordatione subinde oblectet. Cuiusmodi amicorum memoria, quanto rarior est, in hac præsertim senescentis Mundi prauitate, quâ pleriq; sui suorumque obliti, ad primum mutatæ fortunæ nouitatem, subito alteratis moribus fidem quoque mutant, & insolescunt, tanto præclarior, & maiore cum laude de R. D. V.^a celebratur, quod in ista Ecclesiasticarum dignitatũ & fortunarũ, tanquam

cæle-

EPISTOLA.

cælestis roris pinguedine, æquabilem illum bonæ mentis tenorem seruans, non desinit illos amare, quos olim sibi delegit, amicos & commilitones. Incredibile enim, quantam lætitiâ voluptatēq; Parenti meo, quem amoris & Reuerentiæ ergo libenter, & merito sæpius nomino, non solum humanissimæ & doctissimæ litteræ vestræ adferant, verum etiam quantopere animum ipsius fessum iam, annisq; & laboribus labascentem recreent & reficiant crebræ illæ salutationes, & de Vita ac valetudinis ipsius statu accuratæ sciscitationes, quæ nobis per diuersas litteras & nuncios, qui isthinc ad nos veniunt, iussu vestro renunciantur. Perge igitur R.^{de} admodum & ampliss. Domine, ista tuâ virtute frui, quam naturæ bonitate, eximia optimarum rerû scientia, earumque longa & continua exercitatione, quasi vsucapione tibi propriâ fecisti, quippe quem constat à primis ætatis suæ annis, maiores se reuereri, pares amare, inferiores non contemnere, deniq;

EPISTOLA.

quod inter omnes morales virtutes familiam ducit, de omnibus bene, de nemine male mereri didicisse & assueuisse. Vt igitur illius, quam dixi inter R. Ampl. V.^{ram} & Patrem meum contractæ & stabilitæ amicitiae testimonium aliquod publicum, quantulocunq; tempore post fata vtriusq; duraturum extaret, visus sum mihi nihil præter, multò minus contra illud, quod est omnium humanorum actuum quasi sal & condimentum, τὸ πρέπον, facturum, si hanc QVADRIGAM ÆTERNITATIS, quam amantissimus Pater meus VLTIMÆ hominis lineæ, à qua octogenarius prope abest, memor, cygneà hac cantione horis succisiuis, à grauioribus in Rep. functionibus, paulo minus toto liberatus exornandum sibi sumpsit, R.^{da} D. V.^{roe} nomine & titulis, tanquam clypeo quodam contra Momorum aculeos munitam, in publicum emitterem, quam vt R.^{da} D. V.^{ra} tanquam signum & argumentum perueteris amicitiae paternæ, ideoque

hære-

EPISTOLA.

hæreditariæ, & meæ erga ipsam obseruan-
tiæ beneuolè accipiat, precor & ardenti-
bus votis opto. Sospitet illam ter Opt.
Max. rerum omnium auctor & director.,
cuius benignitas nos post hanc in futuram
vitam perennem, quadriga gratiæ suæ,
quâ Heliam in cœlum rapuit, transporta-
re dignetur. Monachio Kal. Ianuarij
Anno à virginis partu M. DC. XIX.

R.^{dæ} & amplissimæ

Do. Vestræ

*Ad omne officiorum genus
paratissimus*

GVILIELMVS GAIL-
kircherus, Canonicus Au-
gustanus ad S. Mauritium.

AD LECTOREM.

NON inanis opera aestimari debet eorum, qui
monitis & doctrinis sacrarum literarum, ad
vitam moresq; hominū formandos à spiritu sancto
dictatis, etiam Philosophorum, aliorumq; Ethni-
corum Scriptorum sententias coniunxerunt, ijsq;
animos Christianæ iuventutis à teneris imbuendos
esse existimârunt. Nam sicut ex Ethnicorum be-
nefactis acriores adduntur stimuli ad virtutem,
quam nostratium, cum subit animo, quàm turpe
sit, non id perspicere pectus euangelica luce illustra-
tum, quod perspectum est ijs, quibus sola nature
scintilla pralucebat: Sic philosophorum sententiæ
& dicta, si quæ forte vera & fidei nostræ accom-
moda dixere, maximè Platoniorum, non solum
formidanda non sunt, sed ab ijs etiam, tanquam
iniustis possessoribus, in usum nostrum vindican-
da. Facile est enim, & quasi intenso digito mon-
strari potest, quicquid ab Ethnicis, tum Poëtis,
tum Philosophis, tum Historicis cantatum, scri-
ptumq; & litteris mandatum ad nos pervenit, id
omne,

AD LECTOREM.

omne, quatenus divinitatem & animarum immortalitatem, veramq. morum honestatem spectat, ex Mosaicis & Prophetis scripturis, vel clam surreptum, vel fabularum involucris tectum, & obscuratum ab ipsis ad posteròs transmissum esse. In istam fere sententiam differit Sanctus Augustinus in libro de Doctrina Christiana cap. 44. & Basilius in lib. De utilitate ex scriptis Ethnorum capienda.

Ad clariorem huius combinationis, seu consonantie profanarum cum sacris sententijs demonstrationem, adiecti sunt plerisq. versibus numeri marginales, quibus respondent subsequentes ad prosam similiter notati.

SPES HOMINVM TAN-
QVAM SPVMA GRACILIS,
quæ à procella dispergitur.
Sap. 5.

HOMO BVLLA.



BVLLA quid est fragilis, vernans flos, FVMVS in aura!
Est nihil. an VITA est hīs potiore loco!

MEMORIA

NOVISSIMORVM:

FRÆNV M PECCAN-
tium

- 1 **E**ST HOMO BVLLA recens collecto turgida flatu,
Stagnis parumper, & fluentis innatans.
Quæ vento exiguo subito dispulsa fauiscit,
Soluta in auras nusquam apparens amplius.
- 2 Quale repertino FOLIV M raptatur ab Austro,
Librà dies pares faciente noctibus.
Et viridans læto demessum cespite gramen,
- 3 FOENV M fit illico, bidentum pabulum.
Omnia sic hominum subitis exposta ruinis,
- 4 PYNCTO volantis evanescunt temporis.
Quod datur hic vitæ spacium mortalibus vsu,
- 5 Vtcunq; longū, annos vel adæquans NESTORIS
Non est, crede mihi, dignum, quod vita vocetur,
- 6 Tantum VIA est ad vitam ducens alteram.
Quam vero vitam? quæ nunquam desinit esse
Sædes doloris æterni, vel gaudij.
- 7 Quis dolor & quantus, quæ post hanc gaudia vitam,
Certo manent omnes fero superitites,
Ferreca VOX NEQVEAT, nequeant centum orare fere,
Nec cogitatus assequi mortalium.
- Quisquis es, hæc tecum non pigrà mente volutans,
Vitam quid hanc non transigas prudentius?

Quæ

- 8 Quæ BREVIS & tenui pendens à stamine FILI,
 9 VICISSITUDINVM subiecta est casibus
 10 Nil STABILE in mundo, varie rotat omnia FATVM,
 11 Toto nihil perennat orbis ambitu.
 12 Terque quaterque Bonis maior mensura Malorum est,
 Centum malis hora vna constat lœtior.
 Qualiter vnda vndam, turbantibus æquora ventis,
 Impellit, & miseros exercet nauitas:
 13 Vt LABOR agricolis durus redit actus in orbem,
 Adiq; finis est noui primordium:
 14 Sic mala perpetuis veniunt innexa CATENIS,
 Ansa trahente ansam, malo in peius malum.
 Dira FAMEM pestis, PESTEM horrida BELLA sequuntur,
 Dolor dolorem, luctum luctus excipit
 Corpora quot membris hominum compacta mouentur,
 Totidem febres, & morbi torrent viscera.
 Si qua subinde animos afflat iucundior aura,
 Phœbum serenum mox obumbrant nubila.
 15 Quod iuuat, & VOLVPE est, quod suauiter afficit artus,
 Euro fugit rapidissimo velocius.
 Pœna sequens iustas irritans Numinis iras,
 Nullis habet finem, modumque sæculis.



PVNCTVM EST, QVOD

VIVIMVS ET ADHVC

puncto minus: MOR s nos sequitur,
vita fugit, Sen. Epist. 50.



*Quisquis es, extremam morituri percipivocem,
Hoc ait illa, mori vin' bene: vius bene.*

R. Sadeler.

- Q** Vi superest **HODIE**, validusq; hac vescitur aurâ,
CRAS morte prostratus cibus fit Vermium
 Dum sibi dives agri, divesq; ex **FOENORE** nummis,
 Securus in bonis bonos ducit dies,
 Viue, ait, ô anima, & rebus tibi plaude secundis,
 Curæ faceffant, atri humoris germina.
TYMPANA læta sonent, iuuet indulgere choreis.
 Vinis & vnguentis recreemur optimis.
 Mille mihi pictis errant in Collibus agni,
 Fruges coactas non capeffunt horrea.
 Ære tument loculi, factum infectumq; metallum
 Arcas flagellat, & coronat atria.
 Vitæ summa brevis, volat irremeabilis Ætas,
 Mors omnium finis rerum est, & temporum.
 Ergo ne, Stulte, neges cœlos & Tartara? pœnas
 Dubites sequi Malos, Bonosque præmia?
 Impie deliras, cæcis percusse tenebris,
 Qui mentium finem credis, qui corporum est.
 Morte carent animæ, quarum cœlestis origo est,
 Et spiritus, quem vita nunquam deficit.
 Corpora conduntur terræ, serpentibus esca,
 Quod prima erant iterum fiunt origine.
 Tempus erit, fortasse breui, quo mortua surgent
 Suis redintegrata membris corpora:
 Ut pariter Vitæ pensent male gesta peractæ,
 Vel cœlicis vnâ fruantur gaudijs.
 Respice quàm celeres paret Atropos atra sagittas,
 Semel statutis non addens moras moris.
 Quis scit an expectet te Solis crastinus ortus?
 Hac nocte forte ibis præceptis ad inferos.
 Cuius erunt, quas cogis opes? possessor & hæres
 Indignus illas dissipabit proximus.

Qui

- 24 Qui vitam tolerat, Pharij de more Philetæ,
 Quæ non putēs expilat horà diuitem.
 Non scit A VIS laqueos quibus incautam implicat auceps,
 PISCEM latet quo vitet hamos gurgite.
 Sic ubi vel quando præcitant ita mina PARCAE,
- 25 Filumque ferre definant subtegminis,
 Haud vili fas est hominum prænoscere, nullus
- 26 Prognosticus vel augur id præfagiat.
- 27 Lanifeca CERTVM statuunt, seruantque sorores
 Vitæ & necis diem, nulli exorabiles.
- 28 CROESVS & IRVS inops æquali falce metantur,
 Nec hunc preces, nec illum auri vis liberat.
 Pallida mors æque turrita palatia Regum,
 Ac pauperum viles puifat tabernulas.
 Pessulus obductus PARCA cædente trahendus,
 Frustra fores tali obserantur hospici.
 Vt senio fractos, sic sternit corpore firmos,
 Auos, nepotes, nuptas, & non nubiles.
- 29 Lex ita NATVRÆ, sic fert æterna voluntas,
 Regis suo torquentis cuncta numine.
- 30 Nascimur impariter, PARITER succumbimus, vnus
- 31 Cunctos CINIS mortales æquat luridus.
 Omnibus introitus par, exitus omnibus idem est,
 Præiens sequenti apertas valuas porrigit.
 Conditio dispar hominum, Mors omnibus æqua est,
 Omnes Charontis vna cymba traiecit.
- 32 Lugentes alij (quæ turba est plurima) campos,
 Pauci beatiores sedes obtinent.
 Quisquis es hæc imis retinens impressa medullis,
 Summi memor diei & summi ludicis
- 33 Quid meditaris OPES? quid amore ardet cis habendi?
 Villas coemptus quid dilatas prædijs?

- 34 Quid veteres iactas, quibus ornas atria CERAS?
Quid fascibus superbis & securibus?
- 35 Quid Venerem impuram? quid captas pocula Bacchi?
- 36 Cutem quid exquisitis curas PRANDIIS?
- 37 Momento fugiunt hæc ocyus omnia: LVCTVS
Extrema gaudij funestus occupat.
- 38 Ceu VAPOR exhalans fumi fornacibus ater,
Euro leui sparsus per nubes disperit.
- 39 STYPA humore carens, scintillâ concipit ignes,
- 40 Quibus in FAVILLAS versam VENTVS disijcis.
- 41 PENDULA subtilem quam texit aranea telam,
Vespa inuolans inopino rumpit imperu.
Aut circumuolitans culices dum glutit hirundo,
Telâ reuulsâ ipsam textricem deuorat:
- 42 Sic homo, sic res sunt humanæ: PVLVIS & VMBRA.
- 43 Falsiq; SOMNIVM ludens phantasmatis.
- 44 Irrita nos CVRIS exercent vota molestis,
- 45 SPEM fallit euentus votis contrarius.
- 46 Cultoregenus AGRI, noctuq; diuq; laborem,
Spe messis vberis solatur arduum.
Tempus vbi aduenit, quo cogat in horrea fruges,
Tristes colonis cuncta vastant grandines:
Quid moror, & varijs àures suspendo figuris?
- 47 Vis verbulo dicam, quid hic simus? NIHIL.
Ex nihilo & luteo conflare plasmate terræ,
Paucis ab ortu anuis in idem resolvimur.
Et tamen, ô cæcâ mentis caligine capti,
- 48 VANIS studemus indefessi reculis.
Hisce animi vires totas impendimus, omnes
- 49 Opum SITI siccis hiamus faucibus.
- 50 Nil satis est audis æris, quos nulla coactæ
Tantum rei cogendæ cura distinet.

- 51 Cui, quod habet, satis est, nec vi, nec fraude paratum,
 Ultra nihil quærens, optansq; hic *DIVES* est.
 52 Fare age quid Cræsi? quid *CRASSI* diuitis aurum?
 Midæue quid tandem iuuet potentia?
 Quidue per Europasq;, Asiasq;, Africaq; triumphos
 Meruisse tot, quot Magnus Romuli nepos,
 Si facies animæ, nunquam reparabile damnum,
 Frequens opes & honores appetentibus?
 Cernimus ante oculos fontes, causasq; malorum,
 53 Docent libri, signant *EXEMPLA* temporum.
 Assiduo nostras talis vox attonat aures,
 Muta malos, bonisq; assuesce moribus.
 Nil magis in totâ mundi ad mirabile mole est,
 Nil intimi sensu doloris dignius,
 Talia quam Christo nos scire docente Magistro,
 Nec altiore mente, animoq; apprendere:
 Sed quotus à vitijs, & quis sibi temperat? omnes
 54 *AVRI* fames, sitisq; *HONORVM* inebriat.
 55 Totus in omne genus vitiorum diffluit orbis,
 E millibus multis vix vnus iustus est.
 Omnia fastus habet, sequiturq; *SVPERBIA* fasces,
 Falsis paratos artibus, vel sordibus.
 Exhaustus senio iusto spoliatur honore;
 Pari inuidetur; infimus contemnitur.
 56 Tanta fuit quondam capitis reuerentia cani,
 Tantusq; honos rugis habitus senilibus,
 Vt meritis annisq; graui mandante Lycurgo,
 Quicumq; barbatus, iuuenisq; assurgeret,
 Nunc pueri indomiti risu, sanisq; sequuntur
 Caluos per ardua ascendentes montium.
 Digni quos sæuis metuendi dentibus vrsi,
 Lybiciq; discerpant Leones vnguibus.

Quas

- Quas dat opes Ganges, quas Indus aromate diues,
Quicquid suis Seres texunt araneis,
37 In luxum & Veneres EUROPA soluta nefandas,
Veneris gulæq; dissipat cupedijs.
38 PATRIA tergoribus quondam contenta ferinis,
Nunc sericis togis tinctisq; inambulatur.
39 Rhenus Orontæâ bombyce superbit, & ornos
Optat suas Cypriâ lanâ pubescere.
Luxuriæ nidos, animi vexilla procacis,
Nitor peregrini vestitus arguit.
Natio quæ quondam vix norat munera Bacchi,
Iurata dapibus abstinere extraneis;
Illa patrum sobrios mores oblita, per orbem
Intemperantiæ malè audit nomine.
Quid multa? in veritum certatim nitimur, omnes
Velutq; , equisq; ad inferos contendimus.

QUANDO TE INVITAT APPETI-
tus ad peccandum, cogita extremum
Iudicium. Basilius.



*Quidquid agis, vox illa tuas tibi perfonet aures,
Venite mortui ad supremum Iudicem.*

- 60 **S** Cilicet immemores supremæ fortis & horæ,
 61 Qua mortui RECTA sistemur Iudici,
 Viuimus vt nunquam morituri, Numinis iras
 Nullas, vel expressis leuiore credimus.
 62 Quod Cœlo edocti præscimus, & ore fitemur,
 Factis negare nec pudet, nec poenitet.
 63 Inspiciens tecum, NON EST DEVS, inquit: Auernus,
 Styx & canis triceps vaturn sunt fabulæ.
 64 Aut FATVM, aut cæco regit impete singula CASVS,
 Sûo Deus vacat sine curis otio.
 Quod fato certum est, quid enim mutare laboras?
 Aduersus in certos casus quid præpares?
 65 Quo ruis ah demens? quæ te vesania cæpit,
 Vt præscium Deum neges & prouidum?
 Falleris, & quotquot tecum hoc errore vagantur,
 Incongruo decepti omnes mendacio,
 Diuersum RATIO, diuinæ mentis imago,
 Sacris profanis dogmatis edisserit.
 Est DEVS, est vnum disponens omnia Numen,
 Cœlo potens, terris dominans & inferis.
 Cui cordi sunt res hominum, qui solus ab alto
 Nil non videns adamussim cuncta discutit.
 Huic animam debes tantum tibi iure locati,
 Vel commodati ad vsum vitæ traditam,
 Scilicet vt certum facias ex fœnore quæstum
 Placitum Deo, Reiq; publicæ vtilem,
 Vt peregrè tandem rediens magnæ ille tabernæ
 Exercitor, talentorumq; creditor,
 Inueniat tabulas accepti ad iusta redactas
 Momenta calculi, & rationum regulas.
 Sic tibi laudato maiora negotia credet,
 Partemq; lucri liberalem conferet:

- Sin autem piger, & somni captator inertis,
 Negotijsq; abhorrens, seruus otij,
 Malueris terræ obscuræ mandare talentum,
 Quam fænebres nummos nummis extendere.
 Opprimer incautum paupertas debita pigris,
 Mensiq; secludêris argentareis.
 66 Ergo animæ miserere tuæ, fac edita cœlo
 Deo placens, eodem rursus euolet.
 Nec populi captes auram, nec culmina Regum,
 Rara est fides in aulis, vulgus mobile.
 Tecum habita, paruo contentus, & vttere paucis,
 Charis Deo, accensiq; amore proximi.
 67 Sint tibi, sint primæ MEMORARE NOVISSIMA curæ,
 Altà dies æternos mente concipe.
 68 Quicquid ages sonus ille tubæ tibi perfonet aures,
 Venite mortui ad tribunal vltimum.
 69 Hic hic vel minimi ratio subigenda quadrantis,
 70 Mentis recessus hic pateſcent intimi.
 71 Hisce animus frœnis compescitur, hisce catenis
 Intra modestiæ metas mens cogitur.
 O funesta DIES, ô inenarrabilis HORROR,
 Cum magna rerum collabatur machina.
 Infima cum summis, nullo ordine mixta ferentur,
 Moti suis poli nutabunt axibus.
 Terra tremiscet hians, miscabitur aëre pontus,
 Vasto fragore incumbet Ossæ Pelion.
 Cæræ instar montes flammâ crepitante liqueſcent,
 Regum occident & Principum Palatia.
 Quas dedit Hermus opes, quas gemmas Indus & aurum,
 Vnde erutum est, imus reposcet Tartarus.
 Cœlo ibit clamor, repetita tonitrua mentes
 Mortalium metu percellent anxias.

- Cimmerijs lampas Phœbi nigrabitur vmbriſ ,
 Stellæ ruent , globos ſtillantes igneos.
 Buccina terrifico reboans clangore per orbem ,
 Tumbis reuulſis euocabit mortuos.
 Ius experturos cuiuſq; æquabile geſtis ,
 Vrnæ mouente , non Minœ Gnoſio.
 Non Rhadamanto illo , qui longo examine vitas
 Scelerum reas indaget & diſcriminat.
 72 Qui ſuper aſtra ſedens , oculo omnia cernit acuto ,
 Reſ inferas , ſuperasq; nutu dirigens ;
 73 Qui latebras cordis primis rimatur ab annis ,
 Stylo notans geſta ac gerenda FERREO ;
 Ille habitu , & Maieltatis fulgore tremendus ,
 Arcu ſedens varijs apto coloribus ,
 74 Iudicibus SENIS dextrâ , læuâq; locatis ,
 75 Ter mille millies ſtipatus ANGELIS ,
 Iuſticias æqua diſpenſans lance , iubebit
 BONOS venire , MALOS ſeorſum abſcedere.
 Qualis Vere nouo , longæ poſt tædia brumæ ,
 Paſtor gregem cogens ad prima gramina :
 Lanigeras procul à villoſis ſegregat hircis ,
 His deſtinans læuam , dextram balantibus :
 Sic Iuſti vindex , hinc lauro , inde enſe coruſcans ,
 76 Vnâ coactos VALLE omnes affabitur.
 Ite Mali æternis titiones ignibus , ite ,
 Venite voſ lecti à rerum primordijs.
 Vobis cura fuit mea iuſſa faceſſere , vobis
 Eadem neglectim habere , & vili pendere.
 Regia voſ Cœli fatiſ melioribus uſos ,
 Styx atra voſ flammis expectat æſtuans.
 Haud mora Cœlicolas iuuenes , Diuumq; miniſtros ,
 Turmamq; Dæmonum malorum plurimam ,

- Cernere erit, Magni decretum explere Tonantis,
Et iudicatos in classes discernere.
- 77 Quos pater à prima PRAEVIDIT origine rerum,
Fidei fore integros, purosque criminum,
Laureolis illi insignes victricibus ibunt,
Læti trophæis, & laborum præmijs.
Astra petent turbâ niuæ stipante cohortis,
Et cæteris patriæ cælestis ciuibus.
- 78 Quos vero scelerum nunquam satiata libido,
'A semitis virtutum abegit deuios.
Suauius esse ratos, mammas haurire Megæaræ,
Quam lacte cœlorum Matris pinguescere,
Illos nigra manent Cocythia stagna cremandos,
Flammis inextincto nutricis sulphure.
Ah dolor, ah pudor, ah neglectæ cura salutis,
Quantis quibusque tunc pœnis vrgebitis?
- 79 Hæc ea TISYPHONE est, furiarum maxima, sæuis
Reos flagellis continenter lancinans.
Et subigens fontes commissâ piacula fateri,
Ad vltimum vitæ dilata terminum.



REGNUM DEI VIM PATITVR, ET VIO-
lenti (pura desideria carnis spiritu domantes, Paulus
ad Gala. c. 5.) rapiunt illud, Matthæi cap.
11, Lucæ cap. 16.



*Cœlituum spectare choros nos pulchra, sed inter
Hos spectari, inquis, pulchrius esse choros.*

- Q** Visquis es, æternæ quem Spes fouet alma salutis,
 Animos & aures huc attentus arrige.
 80 Euigila, & tandem lethæum absolue **SOPOREM**,
 Moras moris quo pergis vsq; nectere?
 Cessit, & ille **DIES** venit, quo surgere pigros
 81 Lectis decet, Dominiq; opus capeffere.
 82 Desere qua **LATE** scelerum via spectat **Auernum**,
 Virtutis arctiorem insiste semitam.
 83 Corde **TIMERE DEVM**, nulliq; innectere **FRAVDEM**,
 Quod fas & æquum dictat cuiq; reddere.
 84 Hæc via virtutis solidæ est, hæc itur ad **Astra**,
 Hæc Ditis euitantur atrilimina.
 85 **FATVM** agnosce, Dei vox est, & sanctio **MENTIS**,
 Semel statutis non mouenda finibus.
 86 **SPERM**q; **FIDEM**q; Patri, rerum cui summa potestas
 87 Desige: quod vult **ILLE**, & tu semper velis.
 Sic tibi dum superes bene erit, vitæq; relicta,
 Æui fruëris sempiterni gaudijs.
 88 Aurea, quæ tellus cœlo suspensa, **CATENA** est,
 89 Nefas eam scrutari curiosius.
 Prouida **MFNS VNO**, quæ cuncta tuetur in ictu,
 Quæ sunt, erunt, & retro lapsa saculis,
 Principij, finisq; expers, rerum auctor & altor,
 Solus scit ansarum nexus, & ordinem.
 90 Hæc illa est **SCALA** Isacides, quam vidit **Abrami**,
 Saxo incubans **Nepos**, & altum dormiens.
 Quæ pede fixa solo, caput vltra sidera condit,
 Ad ibi sedentis ora & aures **Numinis**.
 91 Hac pueri alipedes, **Puræ** sine corpore mentes,
 Vltro citroq; ibant, redibant **Angeli**
 Fasq; nefasq; hominum iussi memorare sedenti,
Pœnas Malis, **Bonis** curantes præmia.

- Quæ SERIES, causæq; Deo sic cuncta regendi,
 Ipsum sat est solum scire & dignoscere.
- 92 Tumodo FIDE DEO: GENIISPARE: vtere fatis
 93 Placitis Deo; mori paratus in dies.
 Ambiguum Fatum certum tibi feceris, vnâ
 Scelerum fugâ. & virtutum operationibus.
- 94 Ardua principio virtutis semita spinis,
 Tribulis, & vrticis in horret vndique,
 95 His semel inuictis superatis robore Mentis,
 Amaranthinæ rosæ coronant exitum
- 96 Si quod agis, VERVM est, redimens virtute laborem,
 Longum breues sequitur labores Gaudium.
 Turpe quod admittis falso deceptus AMORE,
 Nimbos agente Euro fugit velocius.
 Quod scelus vt faceres placuit tibi Dæmonis astu,
 Post se relinquit certum, at serum poenitet.
- 97 PAENITET euentu dubio, quem poenitet actæ
 Vitæ sub excessu demum nouissimo,
- 98 TARDA nimis Metanæa, mali dum fomitis ardor
 Exstinguitur prius, quam tu malum oderis.
 Plena periclorum res est confessio culpæ,
 Ad vltimam rerum dilata lineam.
- 99 Non sapit in cœptans tunc primum VIVERE, quando
 Fatis propinguis desinendum est viuere?
 Viue Deo, lethi semper memor, integer æui,
 Dum corpori sano MENS sana præsidet.
 Millibus è multis vix vnus inaudijt illud:
 Hodie patet cœlum tibi latruncule.
 Mecum eris Elysijs campis fructurus, & hortis
 Fructu salutis æternæ virentibus.
 Quid vitij igitur laxas in sauas habenas?
 Vitam quid emendare differs indies?

- 100 Hora fugit: culpæ crescunt: mors ostia pulsar:
 AGNOSCE: pœniteat te: mores corrige:
 His gradibus reperes errati compita cœli,
 Ad cælites hæc expedita est semita.
 Conuentâ peregrè properans mercede Viator,
 Quantum sat est secum portat viaticum.
 Tuque homo longinquas per lubrica iturus in oras,
 Vnde ad tuos nunquam redibis amplius.
 Artis & æris inops, & toto corpore nudus,
 Medios per hostes in dubiam te des viam?
 101 Mel sibi condit APIS studiosè ætate serenâ,
 Quo viuat Autumni nimboris mensibus.
 102 Parua, sed illustre exemplum FORMICA laboris,
 Iusto suum sibi far componit tempore.
 Ore trahit pondus se maius, & addit aceruo,
 Hiemi propinquanti maturè prouidens.
 At qui homo participans cœlestis luminis auram,
 Æternitatis & cœlorum conscius,
 Cessât & vtramuis dormit securus in aurem,
 Bonis caduca sempiternis præferens.
 103 Pauperiem fugiens crrit MERCATOR ad Indos,
 Thulemque terrarum scrutatur vltimam
 Peruolat Oceanos toto hinc inde orbe remotos,
 Mundiq; claustra non horret perrumpere.
 Vt sibi cogat opes, irritamenta malorum,
 Vel nominis famam relinquat posteris.
 Et nos thesauros cœli conflare pigescat,
 Nullo domi parabiles discrimine?
 Quas neq; consumant tineæ, nec prædo marinus,
 Nec fur diurnus, aut nocturnus auferat?
 104 Fœlix ille animi, ter & amplius ille BEATVS,
 Quem prima cura opum tangit cœlestium.

Affluet

- Affluet huic pleno reliquorum copia cornu,
 Votisq; congrui succedent exitus.
 105 Quid iuuat hic titulis omnes præuerrere honorum?
 Sacris, profanis, pingi & fingi inatrijs?
 Et nisi præmisso rauco stridore tubarum,
 Domo egredi, cinctum manu clementium,
 Si breuibus vitæ gyris hic nequitur actis,
 Ludibrijs æternis post torqueberis?
 O sine consilio gens, & sanæ indiga mentis,
 Instantium malorum incanta & negligens,
 Hic vbi nullus eris, paucis vertentibus annis,
 Varijs rei faciendæ curis angeris.
 Ast vbi semper eris, cariturus sine manendi,
 Primariam necessitatem negligis.
 Vt terræ palmum acquiras, cœlestia perdis,
 Animam caducis immortalem posthabens.
 Hic corrasa diu ingratis post fata relinques,
 Tantum probi comitantur actus mortuum.
 O saperent homines, fixum immotumq; tenerent,
 Quid differat DEI, DITISQ; seruitus.
 106 Quam grauis incumbat MORS vitæ crimine notis,
 107 Quam lenis & DEO & SIBI præcognitis.
 108 Crediturè cœlo delapsus, γυνῶντι σφαύτον.
 Summum bonum est, Deo placere & obsequi.
 109 Dulce IUGVM Domini est, leue pondus, amabilis æstus,
 Quisquis manus aratro promptus admoues.
 110 Vt nihil Inuitis facile est, sic omnia possunt,
 Pinguedo cœlestis roris quos irrigat.
 111 Non iubet illa DEVS, fieri quæ posse negatum est,
 Monet iubendo, vt quod possis, non negligas:
 Qui dedit esse, idem dat posse perentibus illud,
 112 ACTOR DEO FIDENS nihil non proficit.

Poss.

Posse iuuat, cui VELLE tuum non displicet, vltro
Adest pijs hominum DEVS conatibus.

113 Grata Deo in primis PIETAS, facilisq; paratu est,
Nil cum DEO volentibus fit arduum.

Qualis pluma recens alis elapsa columbæ,
Humi iacens aurâ leui sustollitur.

114 At cœno aspersam, pluuijsue, aut rore madentem,
Nec Eurus alleuet, nec præceps Africus.

Sic animæ haud magno releuantur ad æthera nisu,
Quas ardor & pietas exercet affatim.

Ast irretitas vitiorum indagine mentes,
Longis & arctis expedire nexibus,

Hoc opus, hic labor est, pauci quos Æquus amauit
Diuûm Pater, malis assuetis abstinent.

Fertur amica luto SVS, talpâ cæcior ipsâ,
Sursum volens cœli tueri lampades.

Noctiuagus Bubo tenebris assuetus abhorret
A luce, cæteris gratâ volantibus.

Sic qui se vitijs totum, propriumq; dicauit,
SANCTIS vacare nauseat negotijs.

Cespitat in TENEBRIS, cæcis ambagibus errans,
A semitis honesti ad turpitudines.

Conuentus hominum, Diuosq;, Deumq; colentes,
Ludis iocisq; postponit nugalibus.

Immemor vsq; sui, nunquam imâ mente volutat,
Vitam breuem quam multa sequantur secula.

115 MILLE anni ad vitam collati fine carentem,
Vnius instar transuolant dieculi.

At quid dico diem? momentum temporis anni
Sunt quot senex exegit hic Mathusalem.

116 Vna dies inter Ciues habitata BEATOS,
Vel mille præstat hic actis lætissimè.

- 117 Cornigeri CERVI, corui, pluresq; volantum,
 Et pars ferarum per siluas errantium,
 Viuit, & vt perhibent, super addit secula seclis,
 Venas alente intus viuace sanguine.
 Sed semel è viuis sublati, & lumine cassi,
 Nihil relinquunt famâ aut dignum nomine.
 Vnâ morte cadunt simul omnia, nulla sequuntur
 Actos labores, & vitam stipendia.
 Ast homo diuersâ nascendi sorte beatus,
 Rationis vsu præstat vnus omnibus.
- 118 Particula è coelo DIVINA præditus auræ,
 119 Et par imago conditoris omnium,
 Quod lapsus est memorans, venturi conscius æui,
 Vitam breuem, spe longioris sustinet.
 Sustinet infracto grauiore pectore Casus,
 Rerum vices & temporum considerans.
 Altâ mente agitans, quam sit pressura malorum
 Præsentium minor futuris gaudijs.
- 120 Qui bonus, & scelerum PVROS hic transigit annos,
 Rectus FIDE, SPE firmus, AMORE feruidus;
 Non moritur, tantum mens migrans corpore, vitam
 Cum sempiterna mutat temporaneam.
- 121 Ergo quid horrescat mortem? quæ IANVA vitæ est,
 Finis laborum, & æumnarum terminus.
- 122 Ad coelo lectas animas, sedesque beatas,
 Vnde EXIIT, redit expedito tramite.

IBVNT



C

IBVNT MALEDICTI IN SVP-
plicium æternum, iusti autem in
vitam æternam.



*Quem picta tabula, nec pictus tenuit ignis,
Æternum veris uritur ille rogis.*

R. Sadeler.

- Q** Vi vero scelerum manceps, ceu porca per omnes
 Volui reuolui assuefcit fordes criminum;
 Aut vomitum obfcœnũ reuorans CANIS instar edacis,
 Mores nefarios mutare respuit;
 Liuidus inuidia: Diuumq; hominumq; superbus
 Contemptor: & rerum iusto plus appetens:
 Ira ardens: Baccho: aut Veneri deuotus: & expers
 Cultũs Deo rerum factori debiti,
 Ille ter infaustæ perfunctus munere vitæ,
 Vt cunq; circumscriptæ angustis finibus,
 Ad tenebras Erebi rectâ descendit, & Orcum,
 Non liberandus vllis inde sæculis.
 Traditus infandis pœnis, quas conscia prauæ
 Vitæ memor MENS mortis expers suggerit.
 Hoc illud Tityi est IECVR immortale, quod vnco
 Rostro famens æternus vultur exedit.
 Porrectumq; nouem, per iugera tota cadauer
 Semper nouis fibris tundit nascentibus.
 Hæc illa immensi moles vastissima SAXI est,
 Quam voluit æternum & reuoluit Syſiphus.
 Quæ semel ad summum montis protrusa cacumen,
 Grauiore lapsu ad ima rursus desidet.
 Sic & aquas in aquis, & POMA fugacia captae
 Pelopis pater, siti fameq; tabidus.
 Viscera quod nati mactati (vt fabula vatũ est)
 Cœnantibus Dijs & Deabus obtulit.
 Sed quid in abstrusis figmentis hæreo vatũ?
 Quæ veritas rei sit paucis accipe.
 Iusta statim vitâ sequitur sententia functos,
 Pœnæ malos, bonos operum stipendia.
 Heu quibus (at sero) votis & vocibus, ORTVS
 Diem sui damnatus execrabitur?

- Ah quàm multa gemens, superas rediuiuus ad auras
Volet redire, & acerba quæuis perpeti?
Pauperiem extremam, duros perferre labores,
Siliquis & atri frusto panis viuere.
Pro sceptro gestare pedum, pro consule ciuis
Postremus omnium & esse, & haberi ciuium
Quin hominis formà mutatà, bestia campi,
Pronus volet pasci terrà nascentibus.
FATA obstant, longis hominum irascentia culpis,
Nil iam precando vel flendo mutantia.
130 Immensum, CHAOS, & Styx irremeabilis arcet,
Illinc volentes hæc redire ad limina.
Quos semel exceptos feralis Cymba Charontis
Traiecit ad trisaucis oram Cerberi,
131 Nulla datur reditus spes, nulla remissio noxæ,
Flammis in extinctis assantur impij.



QUI DILIGIT DEVM, EXORABIT
pro peccatis, & continebit se ab illis, & in
occasione dierum exaudietur,
Ecclesiast. c. 3.

SALVATOR MVNDI.



*Nullus homo, Genij socium hinc venerantur IESVM
Tam rara heu cecos cura salutis habet.*

ORATIO AD DEVM VT humanæ naturæ debilitatem miseretur.

O DEVS, ô hominum, rerumq; æterna potestas,
Qui solus ex alto spectas hæc infima.

Solus in exhausto, qui dirigis omnia nutu,
Qui iustus & miserans res Mundi temperas.

Huc ades auxilium, & nostræ spes vna salutis,
Oculis benignis & firmatis respice.

Respice nos primæ miseros errore Parentis,

'A re datis non obsecutæ legibus.

Quando secuta dolum astuti serpentis Adamum
Suasu suo rapuit transuersum coniugem.

Hinc genus omne mali, febres, tristisq; senectus,
Hinc mortis æternæ imminens periculum.

132 MENS meliora videt, laudat, suadetq; sequendum,
Sed praua diuersum VOLUNTAS eligit.

Hac luctâ, hac pugnâ in sterili sudamus arenâ,
Genibus labantes, & luxati brachijs.

Te sine nil animi nostri, nil pectora possunt,
Neruis soluta membra torpent omnia.

Ni tua, quæ firment vestigia, gratia lassis
Succurrat, & baculo sustentet debiles.

In præceps ruimus, vitiorum pondere pressi,
Spolium gehennæ, & diro præda Cerbero.

133 Hæc DEVS, hæc oculis miserantibus aspice, vincat
Pietas rigorem, Iustitiam CLEMENTIA.

In vetitum quamuis proni, facilesq; moueri,
Malo parentum deprauati semine.

Pars quotacunq; tuæ tamen auræ, hac vescimur aurâ,

Tuiq; pars lecti sumus peculij

Et patiare tuos, tua signa & castra secutos,

'A te, tuisq; æternum separarier?

An Stygias inter post fara locabimur umbras,

Lytro tui semel redempti sanguinis?

An Phlegetontæis erimus ludibria monstis,

Ad Numinis tui creati imaginem?



Cs

DOMINE SALVA NOS
perimus. Matthæi c. 18.



*Iactetur variè licet impellentibus undis,
Non poterit Navis, Petre, venire tua.*

R. Sadeler

34 **R**espice quam fragili Vectores NAVE feramur,
Euro, Notho, Africoq; vnà ruentibus.
Nostra tibi pariunt altum peccata soporem,
Nostris tuâ in cymbâ culpis submergimur.
O tandem euigiles ad vota precesq; tuorum,
Ventiq; & vndæ te quiescant Arbitro.
Anchora tu nostræ, tu portus & aura carinæ es,
Sine te perimus vento & vndis obruti.
Terq; quaterq; status nostri miserabilis ordo,
Moueat tuæ miserationis viscera.
Te duce fac vitij domitis virtutis amore,
Tuis lubentes obsequamur iussibus.
Vt tandem exuijs positis mortalis amictus,
Detur bonis tecum frui cœlestibus.

INVOCATIO AD OMNES triumphantis militiæ Sanctos.

Fortunatæ animæ, cœli stellantis alumnae,
Deo semel lectæ ante mundi cardines.
Saluete, & lætis æternum psallite vocum
Concentibus, ter Optimo, ter Maximo.

Terq; quaterq; Deo Sabaothi pangite laudes,
Nunquam silentibus certantes angelis.

Omnia lætificis resonent impleta Camænis,
Vestris resulet cœlum & terra plausibus.

Debita sunt **FATO** vobis hæc gaudia, Christi
Merito, fideq; errare & labi nesciâ.

Nam prius omnia erunt cinis, in nihilumq; redibit,
Quidquid sub orbe Lunæ, & Solis clauditur;

Æquora deficient pisces, & gramina campos,
Fontes prius rigare prata desinent;

Quam vel iota vnum Verbi omnipotentis inane
Abeat, carens Deo placitis successibus.

Ergo perennantes Mentis gaudete beatæ,
Claro Dei fruente vultus lumine.

Hæc hæc vestrorum est merces condita laborum,
Seruos fideles hæc manent salaria.

Cura fuit vobis hac luce fruente vna,
Deo obsequi, iuuare vt vos met proximum.

Quos malesuada fames, quos dura premebat egestas,
Fauces quibus sitis siccabat aridas;

Quos Aquilonares vrebant frigore venti,
Nudos vtrinq; pedum & manuum velamine,

Quos nil demeritos, mala mansio, carcer habebat
Tristes, spei indigos, & mente debiles,

Quos

Quos peregrè è templis post vota soluta reuersos,
 Crudelitas tectis arcebat hospitum,
 Quæis gelidæ, calidæq; auræ pulmonibus haustæ,
 Morbis acutis exurebant viscera;
 Liuida quos tabes, quos certæ nuncia mortis
 Pestis suo lectis fixit contagio.
 Omnibus hisce manus pietatis amore paratas
 Præbere mens vobis animusq; gestijt.
 Hæc studia, has curas vos sustinuisse probatum est,
 Hisce euolastis alis ad cœli atria.
 Eia agite & nostræ tangat vos cura salutis,
 Qui corpori vestro sumus pars insita.
 Vos stet apud memores nostri tutela laboris,
 Vestris preces nostræ valeant suffragijs:
 Vt mundi ærumnis & vitæ munere functi,
 Vobis pares cœli fruamur gratijs.

*Oratio Dominica ab Hierony-
 mo Vida sic reddita.*

Omnipotens Genitor sedes cui lucidus æther,
 Sic nomen laudesq; tuæ celebrentur vbiq;,
 Et promissa orbi incipiant procedere lustra,
 Cum tua non minus in terris gens iussa facessat
 Mortalis, quam cœlico læ tibi in æthere parent.
 Nos diuina hodie cœlo dape reffice ab alto,
 Parce dehinc bonus, vt nostris ignoscimus ipsi
 Hostibus, ac nullis aduersis obijce inermes
 Tentando, prôhibe à nobis sed cuncta pericla.

HÆC EST MVLIER, QVA
contriuit caput serpentis.
Genes. 2.



*Ista uicer vario sint consita flore roseta,
Non tamen, hoc viso FLORE, roseta placent.*

SALVTATIO ANGELICA
Diuæ Virginis. Philipp.
Menz. Aucto:

S Alue hominum duros miserans Regina labores,
Vitaq; dulcedoq; & spes nostra optima salue,
Ad te clamamus soboles miserabilis Euæ
Exul, & afflicto trahimus suspiria corde,
Cum gemitu lachrimas lachrimarum in valle cientes:
Eia oculis ergo placidis ac fronte serena
Respice, Diua, tuos, facilisq; tuere clientes,
Et prolem vnigenam nobis pia mater IESVM
Exilio fractis pacato Numine monstra,
O Clemens, pia, dulce decus, Maria inclyta Virgo.

MEMO.

MEMORIA NO-
VISSIMORVM : FRÆNV
PECCATORVM, SACRIS ET
profanis sententijs incul-
catum.

I. **H**OMO BULLA) Vetus est prouer-
bium, Homo Bulla, sacris & profa-
nis scriptoribus vsurpatum; quo
appositè monemur, vitâ humanâ
nihil esse fragilius, nihil fugacius, nihil inanius.
Erasmus in suis Chiliadibus recognitis & emenda-
tis, istud Adagium, *πυφύλῳξ ὁ ἄνθρωπος* hoc est,
homo bulla, multis notabilibus sententijs Philoso-
phorum & Poëtarum, Græcorum & Latinorum il-
lustrat.

Vitæ hominum bullis similes sunt, quarum
aliæ simul atque natæ sunt, protinùs euanescent,
aliæ paulo diutiùs durant, omnes breuissimis qui-
busdam interuallis, aliæ succedunt alijs. Lucianus
in Charonte.

Cogito (inquit Varro in præfatione libri de a-
gricult.) esse properandum : Quod si, vt dicitur,
homo est bulla, eò magis & senex. Annus enim
octogesimus admonet me, vt sarcinam colligam,
antequam proficiscar è vitâ.

2. FOLIUM.) Homo sicut folium defluens de vinea & ficu. Esa. 14.

Οἷα μὲν φύλλον γενεὴ τοίντε καὶ ἀνθρώπων. Homerus.

Qui nemorum folijs, idem est mortalibus ortus.

Quorum hæc ventus humi fundit, rursum illa virescens Profert silva, simul veris cum afflauerit aura.

3. FOENVM.) Facti sunt sicut fœnum agri, & gramen pascuæ, & herba tectorum, quæ exaruit, antequàm maturefceret. Esa. c. 37.

Tanquàm fœnum velociter arescunt, & quemadmodum olera herbarum citò decidunt. Psal. 36.

Nihil tam assimilatur humanæ gloriæ, quàm fœnum agri: Cernas prata miranda florum varietate distincta, vt iucundissimum intuentibus spectaculum præbeant: Cernas in ijs illam colorum verè gratiam, vt rectè dixerit Dominus, ne Salomonem quidem in omni gloria sua, ita vestitum fuisse: & tamen tantus decor, quàm exiguo temporis spatio deperit? In eundem modum se habet hominum gloria. Chrysof.

4. PUNCTVM TEMPORIS,) Demetrius Phaleræus repræhendit Euripidem, Poëtam aliqui laudatum, quòd fœlicitatem humanam ἐφήμερον, hoc est, per diem vnum durantem vocauit, cum verius σίγμνν χρόνου, hoc est, punctum temporis, dicere debuisset. Erasmus in loco præcitato.

Punctum est quod viuimus, & adhuc puncto
D minus;

minus; Mors nos sequitur, vita fugit. Senec. Ep. 50.

5. VITA BREVIS.) Vnius cuiusque hominis vita quanta est? Adde quantoslibet annos, ut longissimam senectutem: quid ergo? nonne hora matutina est? Augustin.

Numerus dierum hominum, ut multum, centum anni, quasi guttæ aquæ maris deputati sunt, & sicut calculus arenæ, sic exigui anni in diæui. Ecclesiastic. c. 18.

Centum, si placet, annos demus delicijs, adde & decies centum: quæ erit ex his ad æternitatem comparatio? Nonne omne tempus vitæ huius, quo delicijs frui videmur, & indulgere libidini, quasi noctis vnius somnium, ad æternitatis comparationem? Chrysost.

Nostra, me hercle, vita, licet supra mille annos exeat, in arctissimum contrahitur: Ista omnia nulum non sæculum deuorabit. Seneca de vitæ breuit.

Sunt, teste Arist. lib. 5. animalium, animalcula ex insectorum genere, quæ apud Hypanim fluiuium, qui in Bosphorum influit, mane nascuntur; meridie ad perfectam ætatem perueniunt: vesperti, tanquam summam ætatem nacta, moriuntur, quæ animalcula nominantur. ἐφήμεροι, ad diem viuentia.

Hinc est, quod Poëtæ, doctissimum & antiquissi-

quissimum scriptorum genus, homines ἐφημέρους & ἐπαυμένους passim appellarunt.

6. VITA HOMINIS VITA.) Vita nostra est tanquàm diuersorium viatorum. Hierem. 9.

Via vitæ Increpatio disciplinæ, mandatum Domini lucerna, & lex lux est, Prouerb. 6.

Quot dies vitæ peragimus, tot passibus, quasi in itinere ad locum propositum, propinquamus: præsentem vitam quasi viam subigendo transimus. Greg. in m. oral.

Sancto Dei consilio agitur, vt huius peregrinationis tempore electorum vita turbetur: via quippe est præsens vita, quæ ad patriam tendimus, & idcirco occulto iudicio frequenti perturbatione conterimur, ne viam pro patria diligamus. Greg. ibid.

7. VITA ÆTERNA.) Nec oculus vidit, nec auris audiuit, nec in cor hominis descenderunt, quæ præparauit Deus ijs, qui diligunt illum. Paul. 1. Corinth. 2.

*Non mihi si centum linguæ sint, ora q̃ centum,
Ferrea vox, omnes scelerum comprehendere formas,
Omnia poenarum percurrere nomina possem.*

Virg. 6: Æneid.

8. VITA FRAGILIS.) Breuis est in primis vita, & vitæ fugacissimum tempus, rerum humanarum inquietum aduersis flatibus & procellosum pelagus. August.

Quid est homo? Imbecillum corpus & fragile, nudum suapte natura, inerme, alienæ opis indigens, ad omnem fortunæ contumeliam proiectum, Seneca ad Marciam. c. 11.

9. VICISSITUDO RERUM.)

Omnia sunt hominum tenui pendentia filo,

Et subito casu, quæ valere, ruunt. Ouid.

Natura rerum humanarum nihilo seciùs se habet, quàm amnium fluctus. Nazianz.

Homo fluida est materia, & caduca, & omnibus obnoxia casibus. Seneca Ep. 59.

Fluunt omnia, & in assidua sunt mutatione corpora nostra, fluminum more, quidquid vides, currit cum tempore. Senec. Epist. 16.

10. INSTABILITAS MUNDI.) Nihil est in rebus humanis stabile, nihil æquabile, nihil sufficiens, nihil in eodem statu permanens, omnia veluti rotâ quadam inani voluuntur, diuersis sæpe diebus, singulis etiam horis vicissitudines afferente. Nazianz.

Nihil mutationis periculo exemptum, non terra, non cælum, non totus hic terrarum contextus, quamuis Deo agente ducatur. Senec. Epist. 71. Lipsius, vir immortalis nomine dignus, De constant. lib. 1. c. 16. & seqq. & Physiolog. lib. 2. c. 20.

11. FATVM.) Fati nomen, sicut & prouidentia, etiam Deo conuenit. Vis enim (inquit Seneca
Natu-

Natural : Quæstio : lib. 2. cap. 45.) Deum Fatum vocare ? Non errabis : hic est ex quo suspensa sunt omnia , causa cuserum. vide inferius nu. 85 :

Vis illum prouidentiam dicere ? recte dices. Est enim cuius consilio huic mundo prouidetur, vt inconcussus eat, & actus suos explicet. Senec. i. bidem.

Nihil publicè, nihil priuatim stabile est, tam hominum, quàm vrbiū fata voluuntur. Senec. Epist. 92.

12. TRISTITIA MVNDI.) Rari & vix accessibiles portus in mari : scopuli innumerabiles, inter quos difficilis, & prorsus ambigua est nauigatio. Petrarcha.

13. VITA HOMINIS LABOR ET DOLOR.) Quid inter laborem & dolorem intersit, Cicero. 2. Tuscul : Quæst : fusè tractat & explicat. Labor propriè est corporis, Dolor animi cruciatus : Labor tamen sæpe ad vtrunque refertur, & definitur, functio quædam vel animi vel corporis, grauioris operis & muneris : dolor autem motus asper in corpore à sensibus alienus.

Vita hominis nihil aliud est, quàm labor & anxia cura. Eccles. c. 28.

Ecce tribulatio, & tenebræ, & dissolutio, & angustia, & caligo persequens, & non poterit auolare de angustia sua. Esa. 8.

Cuncti dies hominis laboribus & angustiis pleni sunt, nec per noctem mente quiescit. Eccl. c. i.

Quid fiat? tu occuparis, vita festinat: Mors interim aderit, cui velis nolis, vacandum est. Seneca.

Quomodo fabula, sic vita hominis, non quàm diu, sed quàm bene acta sit, videndum. Seneca Ep. 77. in fine.

*Optima quæq; dies miseris mortalibus aui
Prima fugit, subeunt morbi, tristisq; senectus,
Et labor & duræ rapit inclementia mortis.* Virgilius.

Nuncij & ministri mortis admodum sunt multi, puta febres, tum frigidæ tum calidæ, tabes, inflammatio pulmonis, gladij, latrocinia, cicuta, Iudices quoq; & tyranni. Lucianus in Charonte.

14. CIRCULVS MALORVM.) Est rerum humanarum velut circulus, siue periodus & vicissitudo, quæ sua permutatione non permittit eisdem semper agere fortunatè. Herodotus refert tale quid Cræsum respondisse Cyro, bellum Scythiis sine iusta causa inferre volenti, quod euentus rerum probauit, occiso Cyro à Thomire, Scytharum Regina, referente Herodoto libro. i. & post illum Luciano in Charonte.

Nulli fortuna tam dedita est, vt multa tentanti ubique respondeat. Sen. de ira.

Οὐκ ἔστιν ὅστις πάντ' ἀνὴρ εὐδαίμων.

Nemo undequaq̃ agit prosperè. Menander.

Spectant huc prouerbia : Nihil ex omni parte beatum : Nemo mortalium omnibus horis sapit, de quib. Erasmi. in suis Chiliad.

15. VOLUPTAS.) Momentaneum est, quod delectat, æternum quod dolet. Bernard.

Vincula huius mundi asperitatem habent veram : iucunditatem falsam : certum dolorem : incertam voluptatem : diuturnum laborem : timidam quietem : rem plenam miseriæ : speciem beatitudinis inanem. Augustin.

Hæc quibus delectatur vulgus, tenuem & perulforiam habent voluptatem, & quodcunq̃ aduentitium est gaudium, fundamento caret. Seneca.

Dimitte voluptates turbidas, magno luendas, non futuræ tantum, sed etiam præteritæ nocent. Senec. epist 77.

Φεύγε ἡδονὴν, τίλει γὰρ λύπην.

Fuge voluptatem, quippe quæ dolorem parit. Chilo.

Voluptates præcipuè exturba, & inuisissimas habe, latronum more, quos Ægyptij Philetas vocant, qui in hoc nos amplectuntur, vt strangulent. Sen. ep. 51. vbi Lipsius Philetas apud Ægyptios eos dici & haberi docet, quos Græci κλέπτας, λήστες, hoc est fures, latrones dixerunt, qui

per vrbes noctibus ibant, expilatum diuites, vnde pilare, compilare, expilare, quidam Græcæ originis fuisse putant. Lips. ad d. Ep. 51. Senecæ.

Possent nostri Zingani (die Zigeiner) qui & ipsi se Ægyptiæ originis esse iactitant, istis Philetis æquiparari.

16. HODIE, CRAS.) Nemo in crastino certiorem est. Sen. ep. 92.

Nemo diuos tam habuit fauentes, vt crastinum sibi posset polliceri. Sen.

Quis scit an adiuciant, hodierna crastina summa

Tempora Dii superi? Horat.

Subito, dum speratur, venit contritio eius, & comminuitur, sicut lagena figuli, contritione valida, & non inuenitur de fragmentis eius testa, in qua portetur igniculus de incendio, aut hauriatur parum aquæ de fouea. Esa. c. 37.

Stat super caput fatum, & pereuntis dies imputat, propiusque & propius accedit. Sen.

Omnem luxuriosi noctem inter falsa gaudia, & quidem tanquam supremam agunt. Sen. Ep. 59.

17. VIA PECCATORVM.) Venite (loquuntur impij Sap. c. 2. & Luc. c. 12.) & fruamur bonis, quæ sunt, & vtamur creatis, tanquam in iuuentute celeriter: Vino precioso & vnguentis nos impleamus, & non prætereant nos flos temporis, nomen nostrum obliuionem accipiet per tempus,
& ne-

& nemo habebit memoriam operum nostrorum, umbræ transitus est tempus nostrum.

Venite sumamus vinum, & impleamur ebrietate, & erit sicut hodie, sic & cras, & multò amplius. Esa. c. 16.

18. STULTITIA MUNDI.) Tenent tympanum & Cytharam, & gaudent ad sonitum organi, ducunt in bonis dies suos, & in puncto descendunt ad inferos. Iob. c. 21.

Videbunt iusti, & super iniustum ridebunt, & dicent: Ecce homo, qui non posuit Deum adiutorem suum, & speravit in diuitijs, prævaluit in vanitate sua. Psal. 51.

Stulte, hac nocte repetent animam tuam à te, quæ autem paraasti, cuius erunt? Luc. 12.

Lachrymarum causas quidam tripudiantes peragunt, & mortis suæ negotium ridentes exequuntur. Greg. in Moral.

O stulti, quid tanto studio in his rebus molimini? Desistite à laboribus, neque enim perpetui viuetis: nihil ex his, quæ hic præclara habentur, perpetuum est, nec istorum aliquid cum moriendum est, secum quisquam auferet. Lucian in Charont.

19. MORS OMNIUM RERVM FINIS.) Epicuri schola fuit, Nihil esse post mortem, Tertullianus refert. de resurrectione carnis lib. 1. c. 1.

D 5 vbi

vbi etiam Seneca allegatur, qui dixerit alibi, omnia post mortem finiri, etiam ipsam. Dicæarchus primus, post hunc Democritus, istum secutus Epicurus, hunc Lucretius, mortalitatem animarum asseruerunt, teste Lactantio lib. 7. diuina: Inst. c. 7. Et Saducæi tenuerunt, non esse resurrectionem, neque angelos, neque spiritum. Actorum c. 23.

20. MORTE CARENT ANIMÆ.) Quamuis variæ fuerint veterum philosophorum opiniones de Anima, quid illa sit, quas opiniones Macrobius in somnio Scip. lib. 1. c. 14. refert: obtinuit tamen (verba sunt Macrobij) non minus de incorporealitate, quam de immortalitate sententia.

Animam definimus (verba sunt Tertulliani in libro. de anima c. 22.) Dei flatu natam, immortalem, effigiatam (intellige ad imaginem & similitudinem Dei factam) liberam arbitrij &c, ex vna redundantem. Quæ verba vltima, quatenus de anima hominis per traducem propagata intelligantur à Tertulliano, & alijs, valde controuersa sunt, per ea, quæ Iacobus Pamelius Theologus Louaniensis ad III. Paradoxum Tertulliani annotauit, tenens cum communi Theologorum schola, Deum nouas quotidie animas corporibus iam conceptis infundere.

Videatur Lipsius physiologiæ lib. 3. c. 10. Figurato corpore (ait Hieronymus ibi allegatus) statim

timā anima creatur & immittitur. Et Lactantius ibidem citatus, Serendarum (inquit) animarum ratio, vni & soli Deo subiacet.

21. HOMO PVLVIS.) Formauit hominem Deus ex limo terræ, & inspirauit in faciem eius, & factus est homo in animam viuentem, puluis & in puluerem reuersurus. Genes. c. 2. & 3. Corpusculum hoc custodia & vinculum est animi, huc atque illuc iactatur: animus sacer est & æternus: Dijs cognatus, & omni mundo, æuoque par. Sen. ad Helui: c. 11. Vide Lipsium Physiolog. lib. 3. c. 2.

22. TEMPVS SUPREMI IUDICII.) Anis post exordium Mundi sexies mille conpleteris, summum illum conclusionis extremæ diem, lapsumque & ruinam rerum omnium fore, ex litteris sanctis & ex varijs historijs colligi posse, Lactantius Firmianus sub Constantino Magno circa Annum Domini 320. scriptum reliquit lib. 7. c. 14. & 25. Quod tamen lapsa seu deleta demum, nō incolumi Roma futurum sit. Sed vana, seu non probata est hæc opinio Lactantij, quam etiam Petrus Messias Hispanus, & alij quidam recentiores amplexi, tenuerunt, mundum bis mille ante legem, bis mille sub lege, & bis mille post legem duraturum esse. Hanc Lactantij, Originis, Irenæi & aliorum opinionem refutat, & temeritatis arguit Iose:

Iosephus Acoſta in tractatu ſuo de nouiſſimis temporibus lib. 1. c. 3. Chriſtus enim Dominus noſter ſciſcitantibus diſcipulis ſuis hoc tempus, reſpondit, Non eſt veſtrum noſſe tempora, & momenta temporum, quæ pater poſuit in poteſtate ſua. Act. c. 1.

23. MORS VELOX ET INOPINA.) Dies mei velociores fuerunt, quàm à textore tela ſucciditur. Iob. c. 7.

Textor filum ſubtegminis à telæ margine ad marginem incredibili velocitate, miræque dexterritate coniectum in ſiniſtram, momento reiicit in dexteram : Talis itio & reditio fili textorij, ſimilima eſt vitæ humanæ, viciffitudine dierum & noctium, bonorum & malorum, quibus in hac vita ſubiecti ſumus, conſideratà. Pineda ad d. c. 7. Iobi.

Dum reſpicimus (quod aiunt) verſamusque nos, immortalitas aderit. Seneca.

24. MORS ET DIES SUPREMV S.) Dies Domini ſicut fur in nocte, ita veniet, ad Theſal. 1. c. 5.

Si ſciret Pater familias, quà horà fur venturus ſit, vigilaret utique, & non ſineret perfodi domum ſuam. Matth. c. 24.

Vigilate, quia nescitis diem, neque horam. Matth. c. 25.

O mors, quam amara eſt memoria tua homini, habenti pacem in ſubſtantia ſua. Eccl, c. 41. O

*O Mors triste malum, miseris mortalibus, ô mors
Quantum fellis habes? quantis mœroribus angit
Mentio sola tui, florentem rebus opimis,
Florentemq; ætate virum, & bene corpore sanum.*
Menzelius.

25. FINIS HOMINIS INCERTISSI:) Nescit homo finem suum, sed sicut pisces capiuntur hamo, & aues laqueo comprehenduntur: sic capiuntur homines in tempore malo, cum exemplo superuenit. Eccles. c. 41.

Notum fac mihi Domine finem meum, & numerum dierum meorum, ut sciam quid desit mihi Psal. 38.

26. VANITAS AVGV RV M.) De vanitate Astrologorum seu augurum Iudiciariorum, (naturales enim, & ex causis naturalibus coniecturantes, non omnino reiiciuntur) qui euenta futura de casibus humanis, veluti de vita & morte hominis præfagia iactitant, operâ dignum est, videre & sequi R. dum P. Lessum Theologum Louaniensem c. 45 lib. 2. De superstitione, ubi facta talia tam consultantium quam consultorum, inter peccata mortifera numerat.

27. MORS OMNIBVS STATVTA.) Statutum est omnibus hominibus mori. Hebr. 9.

Quis est homo, & non videbit mortem?

Omnia tempus habent, tempus est viuendi, & tempus moriendi. Eccles. c. 3. Quid

Quid fles? quid optas? perdis operam.

Desine fata Deum flecti sperare precando,

Eo ibis, quo omnes ibunt, nullum sine exitu iter. Videatur Senecæ ep. 77. quæ insignis est, & digna, quæ ab omnibus mortalibus sæpius legatur.

Ad mortem omnis ista, quæ in foro litigat, in theatris desidet, in templis precatur turba, dispari gradu vadit. Senec. in consol. ad Helu. c. 1.

Si quis opes possidens forma præcellat cæteris, & in certaminibus fortiter se gerens, ostendat robur, meminerit, quod membra circumfert mortalia, quod finem omnium bonorum aditus est. Pindarus allegatus ab Erasmo in Adagio Homo Bulla.

Scito fato constitutum esse omnibus mori.

28. CROESVS ET IRVS MORTVI.) Anaxagoras & Socrates, cum mortis sententiam per nuncios accepissent; iam olim (responderunt) istam sententiam æquè in Iudices, atque in nos, tulit natura.

Argentum & aurum eorum non valebit liberare eos in die furoris Domini. Eccles. 3.

Pallida mors æquo pulsat pede pauperum tabernas,

Regumq; turres. Horat.

Æqua tellus

Pauperi

*Pauperi recluditur,
Regumq; pueris. Horat.*

Moritur futor, eodem modo & Rex. Menand.

In hoc natus est homo, ut vita defungatur,
Sen. Ep. 12.

Mors per omnia it: qui occidit, sequitur occisum. Idem ep. 93.

Incertum est, quo te loco (& tempore) mors expectet: Itaque tu illam omni loco expecta, Sen. ep. 12.

Vnde cunq; ad inferos vna via est, nulli aliena Patria mortuo. Seneca.

29. LEX NATURÆ.)

*Stat sua cuiq; dies, breue & irrenocabile tempus
Omnibus est vita. Virg.*

*Omnes eodem cogimur: omnium
Versatur urna: seriùs ocyùs
Sors exitura. Horat.*

30. MORS OMNIBVS ÆQVA.) Unus est omnibus introitus ad vitam, & similis exitus. Sap. 7.

Omnes morimur, & quasi aquæ dilabimur in terram, quæ non reuertuntur. 2. Reg. c. 4.

Prima æquitatis pars est Æqualitas: Quis queri potest, se in ea esse conditione (puta mortis obeundæ) in qua nemo non est? Sene. Ep. 30.

Nemo tam imperitus est, ut nesciat sibi quandoq; moriendum esse: tamen cum mors
prope

prope accesserit, tergiuerfatur. tremit, plorat. Sen.
Ep. 27.

*Charontis unda scilicet omnibus,
Quicumq; terræ munere vescimur,
Enauiganda, siue Reges,
Siue inopes erimus coloni.* Horat.

31. HOMO CINIS.) Extinctus cinis erit
corpus nostrum. Sap. 2.

Et quæ veneraris, & quæ despicias, vnus exæ-
quabit cinis. Sene. in consol. ad Mar.

32. PAUCITAS SALVANDORVM.) Filio-
li, (dicebat Christus ad discipulos suos Mar. 10.)
quàm difficile est diuiti, & habenti possessiones in-
trare in regnum cœlorum: difficilius quàm came-
lum transire per foramen acus.

Angustus admodum trames est, per quem Iu-
sticia hominem deducit ad cœlum: hunc (trami-
tem) tenere non potest, nisi qui fuerit expeditus &
nudus: via mortis latissima est, Lactantius lib. 7.
inst. diuin.

Pauci læta arua tenemus, respondit Anchises
filio suo Æneæ, apud Virg. lib. 6. Æneid.

De hac paucitate saluandorum videatur Zo-
diacus Christianus Anno 1618. Monachij editus,
in coronide, post duodecimum signum prædesti-
nationis electorum, & scriptorum in libros vitæ, de
quibus in Apocal. Iohannis. Vide inferius nu: 73.

Alphon-

Alphonfus Arragoniæ Rex, interrogatus, quæ res omnes homines æquet, Respondit. Cinis.

Σῶμα γὰρ ἐκ γαίας ἔχουμεν καὶ πάντες ἐπ' αὐτὴν
 Δυόμενοι κόνις ἐσμεν. Hoc est.

Corpus enim ex terra habemus, & omnes ad ipsam soluti pulvis vel cinis sumus.

Πάντες ἴσοι νεκροὶ: Ψυχῶν δὲ θεὸς βασιλεύει. hoc est.

Omnes æquales mortui, animis verò Deus dominatur. Phocilid.

33. OPVM APPETENTIA.

*Quid vici profunt? quid uè horrea? quid uè Calabris
 Salibus adiecti Lucani, si metit Orcus?*

Grandia cum parvis non exorabilis auro?

Ergo hominum genus incassum, frustra q̃ laborat

Semper, & in curis consumit inanibus æuvm,

Nimirum quia non cognouit, quæ sit habendi

Finis, & omnino quo ad crescat vera voluptas.

Lucanus.

34. HONORES AVLICI PERICVLO-

s 1.) Mæcenas, quem constat apud Augustum, Cæsarem omnia potuisse, dicere solebat, Ipsam altitudinem in Aulis attonare, hoc est, vt Lipsius ad Senecæ Epistolam. 19. interpretatur; percutere, & quasi tonitru quaterere, quam Epistolam legant, qui primos honores in aulis affectant, & cum alia multa vetera & recentia exempla, tum verò illud Seiani semper ante oculos habeant, qui sub

E

Tibe-

Tiberio vno quasi momento, vitæ & omnibus honoribus exutus, turpissimo mortis genere cum filia & omnibus suis vitæ finem fecit, de quo Tacitus lib. 5. Annalium, & Cardinalis Baronius in Annalibus suis in fine Anni Christi. 33. n. 48.

Bene igitur Poëtarum prudentissimus Horatius.

*Beatus ille qui procul negotijs,
Forumq; vitat, & superba Civium
Potentiorum limina.*

*Viue tibi, quantumq; potes, prælustria vitæ,
Sæuum prælustri fulmen ab axe venit. Ouid.*

Plura & notatudigna vide apud Lipsium in ipsius defensionis posthumæ c. 1.

35. LUXURIA.) Noli auidius esse in omni epulatione, & non te effundas super omnem escam: in multis enim escis erit infirmitas, & auiditas appropinquabit usque ad choleram. Propter crapulam multi obierunt, qui autem abstinens est, adiciet vitam. Eccles. c. 37.

Inter plures causas longæuitatis Patrum antiquorum prioris mundi, non ultimam, sed facile Principem fuisse Abstemiam à carne & varietate ac pluralitate ciborum & potionum, refert Augustinus Torniellus in Annalib. suis sub anno mundi. 1656. fol. 94. n. 7.

Qui continet se intra naturalem modum, paupertatem non sentiet: qui naturalem modum excedit

dit, cum in summis opibus paupertas sequetur. Senec. in Consol. ad Heluiam.

36. GULA ET LUXVS.) Sepulchrum patens est guttureorum. Psal. 5.

Copia ciborum subtilitas intellectus impeditur. Senec. ep. 15.

Ad maiora me natum existimo, quam ut ventri mancipium fiam. Senec. Ep. 65.

Ventri obedientes non hominum, sed animalium loco numerantur. Idem. Ep. 59.

Abstine à cibus, aquam pota aliquando, omnium appetitum cohibe, ut mox etiam recte, & rationabiliter possis appetere, Epictet. & Sen. ep. 18.

Infelices luxuriosi, qui non intelligunt se maiorem famem, quam ventrem habere. Sen. ep. 89. sub finem.

Dij boni, quantum hominum vnus venter exercet? Senec. ep. 93.

37. LUCTVS EXTREMVM GAVDIORVM.) Extrema gaudij luctus occupat, prou. c. 14.

Ita Dijs placitum, voluptati, ut mœror comes consequatur. Plaut.

Cito nos omnis voluptas relinquit, quæ fluit & transit, & pœne antequam veniat, aufertur. Sen. de vita beata.

Bellum in media pace confurgit, & auxilia securitatis in metum transeunt. Sen. ep. 92.

Inter placidissima terror existit, Sen. ep. 92.

In ipsis voluptatibus causæ doloris exoriantur. Sen. ep. 91.

Voluptastunc, cum maximè delectat, extinguitur. Sen. de vita beata.

38. VITA VAPOR ET FUMVS.) Quid est vita nostra? vapor ad modicum durans. Iacob. 4.

Spiritus hominis diffundetur, tanquàm molli aër, & transibit vita nostra, tanquàm vestigium nubis, & sicut nebula dissoluetur, quæ fugata est à radijs solis. Sap. 2.

Soluimur ut nebula, surgens ut in aëra fumus,

Et veluti solui sole pruina solet.

Rumpimur ut stipula rapido carpuntur ab igne,

Nil nisi viuendo puluis & umbra sumus.

Vnde igitur fastus venit? unde superbia nobis?

Quos fatum post tot tristia triste rapit?

39. HOMO STUPA ET FAVILLA.) Assimilatus sum fauillæ. Iob. 30.

Quomodo si quis rumpit filum de stupa tortum sputamine, cum odorem ignis acceperit, sic vita est hominis. Iob. 15:

Sicut fauilla, quam turbo dispergit. Iob. 22.

Erit fortitudo vestra, ut fauilla stupæ. Isa. 5.

40. VITA HOMINIS VENTVS.) Memento quia ventus est vita mea, & non reuertetur oculus meus ut videat bona. Iob. 7.

Recor.

Recordatus est, quia caro sunt, ventus vadens
& non rediens. Psal. 77.

Homo ventus est, & nil aliud quam vmbra.
Sophoc.

41. HOMO INSTAR ARANEÆ.) Sicut te-
læ aranearum, fiducia eius Iob. 8.

Tabescere fecit sicut araneam animam meam.
Psal. 38.

Annii nostri sicut aranea meditabuntur. Psal. 89.

42. HOMO PVLVIS ET VMBRA.) Pulvis
es, & in puluerem reuerteris. Gen. 3.

Dies hominis sicut pulvis prætereunt. Psal. 145.

Vmbræ transitus est tempus nostrum, & non
est reuersio finis nostri. Sap. 12.

Quò pius Aeneas, quò Tullus dices & Ancus,

Pulvis & vmbra sumus. Horat.

43. SOMNIUM EST VITA NOSTRA.)
Velut somnium auolans, & nihil inuenerunt om-
nes viri diuitiarum in manibus suis. Psal. 75.

Sicut somniat esuriens & comedit, cum au-
tem fuerit expergefactus, vacua est anima eius: sic
etiam qui somnians bibit. Esa. 29.

Nihil inanîus vmbra: videtur enim esse a-
liquid, cum nihil sit: At hoc quoq; reperit inanius
quid Pindarus, nimirum vmbrae somnium, vt ne-
mo possit dicere, hic est aliquis, neque rursus, hic
est nullus, ob subitam rerum humanarum immuta-
tionem. Erasmi. in d. prouerb. Homo bulla.

Philo Hebræus. Quid est homo? phantasma temporis.

44. CURÆ HOMINVM INANES.) Peccatori dedit Deus afflictionem & curam Eccles. 2.

Vita nostra sicut nebula dissolvitur, quæ fugata est à radijs solis, & calore eius aggrauata. Sap. 22.

Quisq; suos patimur manes, sua quemq; remordet

Cura. Virgil.

Scandit aratas vitiosa naues

Cura, nec turbas equitum relinquit,

Ocyor cervis, & agente nimbos

Ocyor Euro. Horat.

45. SPES HOMINVM FALLAX.) O fallacem hominum spem, fragilemque fortunam, & inanes nostras contentiones, quæ in medio spacio franguntur, sæpè & corruunt, & ante in ipso portu obruuntur, quàm portum conspicerè potuerunt. Cicero.

Quotquot vivimus, & quam diu vivimus, omnes diuersa præsentibus, & contraria expectatis, aut speramus, aut metuimus, assiduò natantes inter spei, metusque fluctus. Vellei: Paterc.

46. CALAMITAS RVRALIS.) Quidquid longa series, multis laboribus, multa Dei indulgentia struxit, vel vnus dies spargit & dissipat. Sen. ep. 92.

47. HOMO NIHIL.) Nihil sunt dies mei. Iob. 7.

Substantia mea tanquàm nihil ante te, Psal. 38.

Omnes

Omnes gentes quasi non sunt coram te, & quasi nihilum & inane reputatæ sunt. Esa. 40.

Ex nihilo facti sumus, & post hac erimus, quasi non fuerimus. Sap. 2.

Qui se putat aliquid esse, cum nihil sit. Paul. ad Galat. 6.

48. MUNDVS ET OMNIA VANITAS.) Vniuersa vanitas omnis homo viuens, vanè conturbatur omnis homo, Tota igitur substantia apud Deum est. Psal. 38.

Vt quid diligitis vanitatem & quæritis mendacium? Psal. 90.

Vanitas vanitatum & omnia vanitas. Eccl. c. 2. 3.

49. OPVM CVPIDITAS.) Tu dies noctesq: cruciaris, cui non sat est, quod est, & ipsum quod habes, ne diuturnum sit futurum, times: neque enim vnquam expletur aut satiatur cupiditatis sitis, neque solum ea, quæ habes, libidine augendi cruciaris, sed amittendi metu. Cicero.

Cupiditati nihil satis est, naturæ parum. Hæc enim homini nihil, quod necessarium faciebat, fecit operosum. Sen. ad Heluiam.

Præter opum desiderium, omnium rerum est satietas.

Κακῶν μέγιστον ἐν βροτοῖς ἀπλησία

Maximum malorum hominibus, inexplibilis cupiditas, Menander.

Hi sunt, quos Horatius inter magnas opes inopes appellavit, de quibus Eras. in Adag. Tantali pœna.

50. VERA PAUPERITAS.) qui non quæsita, sed acquirenda computat, pauper est, quippe cui parum est, quod habet, sed plus cupit. Sen. ep. 27.

Multis ad philosophandum obstitere diuitiæ: paupertas expedita est, lecura est. Sen. ep. 17.

*Crescentem sequitur cura pecuniam,
Maiorumq; fames.* Horat.

Non qui parum habet, sed quid plura cupit, pauper est. Quid refert, quantum in arca, quantum in horreis lateat? quantum pascat, aut fœneretur, si alieno imminet? si non acquisita, sed acquirenda concupiscit. Sen. ep. 2.

51. VERÆ DIVITIÆ.) Habentes alimenta, & quibus tegamur, contenti sumus. 1. Timoth. 6.

Sint mores sine avaritia. contenti præsentibus. Ipse enim dixit, non te derelinquam, neque deseram. Paul. ad Hebr. c. 13.

Ἀρκεῖσθαι παροῦσι, καὶ ἀλλοτρίων ἀπέχεσθαι.

Contentus sis præsentibus, & alienis abstinens.

Cui sua non videntur amplissima, licet totius mundi sit dominus, miser est, Sen. ep. 9.

Non est beatus, qui se non putat esse: Cui
cum

cum paupertate bene conuenit, diues est, Sen. ep. 1.

Modus diuitiarum primus est, habere quod necesse est : proximus quod sat est : Animus enim est, qui diuites facit.

Cui satis est, quod contingit, nihil amplius optet.

Horat.

Proprium hoc est Beati, præsentibus, qualiacunque sint, contentum esse, suis gaudere, nec maiora domesticis cupere. Sen. de vita beata. c. 6. Lips. Manuduct: lib. 3. dissert. 5.

§2. DIVITIÆ, FALSÆ ET PERICULOSÆ.) Quid prodest homini, si vel totum mundum lucretur, animæ verò suæ detrimentum patiatur? Marc. 16.

Qui volunt ditescere, incidunt in tentationem, & laqueum, & cupiditates multas, stultas & noxias, quæ demergunt homines in exitium, & interitum: radix siquidem omnium malorum est, studium pecuniæ. 1. Timoth. 6.

Melius est modicum iusto, super diuitias multas peccatoris. Psal. 36.

Multis diuitias parâsse, non finis miseriarum est, sed mutatio. Sen ep. 17.

Vt ditescas, ne festines, ne citò pauper fias. Nemo diues citò euasit, si iustus fuerit. Menander.

Interca pleno cum turget sacculus ære,

E 5

Crescit

*Crescit amor nummi, quantum ipsa pecunia crescit,
Et minùs hanc optat, qui non habet.* Iuuenal.

Cupiditati cæcæ tria adiuncta sunt, vel perpetua comitantur vitia. ἀγχιμοσύνη: ἀμετρία: ἀκαιρία, hoc est. Indecorum, immodicum, intempestuum. Lips. ad. ep. Sen. 16.

Licet preciosa quæque (puta aurum, argentum, omnium nationum lapides preciosi, familia numerosa mulæ & equi sagini, omnes vnius coloris) congerantur, nunquàm explebunt animum inexplabilem. Sen. in consol. ad Helui. c. 11.

Multa petentibus

Desunt, multa: bene est cui Deus obtulit

Parca, quod satis est, manu. Horat.

53. EXEMPLA MOVENT.) Longum iter est per præcepta, breue & efficax per exempla: Homines minùs sensu & auribus, quam oculis credimus. Sen. ep. 7.

Segnius irritant animos, demissa per aures,

Quàm quæ sunt oculis commissa fidelibus. Horat.

54. AVRI ET HONORVM FAMES.) Quoscunque in medium fortuna protulit, quicunque membra & partes alienæ potentiæ fuerunt, horum gratia viguit, domus frequentata est, dum ipsi steterunt, post ipsos citò memoria defecit. Sen. ep. 21.

Abstrahunt à recto diuitiæ. honores, potentiæ, & cætera, quæ opinione nostra cara sunt, precio villa, Sen. ep. 81.

Id

Id agere debemus, vt irritamenta vitiorum, quamlongissimè profugiamus. Sen. ep. 52.

55. **MALIGNITAS MVNDI.**) Omne quod est in mundo, concupiscentia carnis est, & concupiscentia oculorum, & Superbia vitæ. 1. Io. 2.

Omnes in viam suam declinauerunt, vnusquisque ad avaritiam suam, à summo vsque ad notissimum. Esa. c. 56.

56. **SENECTVS NON CONTEMNENDA.)** Inter alias impiorum voces, quæ à sapiente ca. 2. numerantur, est etiam illa: non reuereamur canos multi tēporis:

Ex paruis Hierichontis pueris, qui egressi ciuitatem illudebant prophetæ Helisæo seni, montem ægrè ascendenti, acclamantibus: Ascende calue, Ascende calue, vrsi duo ex vicino saltu erumpentes, quadraginta & duos pueros laniauērunt. 4. Regum. c. 2.

57. **Lvxvs EvROPÆvs.)** Vini vsum præ alijs Europæ gentibus Germanis antiquis, maximè ijs, qui paulo longiùs à ripa, hoc est, Rheno degēbant, rariorem fuisse, videre est apud Tacitum: Importato vino, sicut etiam peregrinis mensis & ferculis, Germanis interdictum fuisse, testatũ reliquit Cæsar in suis commentarijs lib. 4. & 6. Quantũ hodie à prædicto vfu non solũ potandi, sed & vestiendi recessum sit, dum ab vltimis terrarum partibus, quibus

quibus sol & oritur, & occidit, omnis generis illecebræ, tam in vestibus, quam in conuiuiorum apparatibus importentur, perniciosà & notorià experientià constat, & ad dedecus nobilissimæ nationis restat.

Conuiuiorum & vestium Luxuria ægræ ciuitatis indicia sunt. Sen. Ep. 114.

Id quod vnum toto agimus animo, nondum perfecimus, vt pessimi essemus: adhuc in processu vitia sunt. Sen. de natural. quæst. lib. 7. c. 31. vbi de deprauata luxuriæ, impudicitix, leuitatis & corporum politurà, cæterorumque vitiorum consuetudine, quæ tum temporis Romæ vigeabant, illa depingit, quæ in hodiernos Europæ mores optimè quadrant, & malorum impendentium præfagia esse videntur.

58. GERMANORVM VETERVM CVLTVS.) De veterum Germanorum cultu & vestienti consuetudine, ita Cæsar in Comment: belli Gall. lib. 6. pellibus (inquit) aut paruis rhenonum tegumentis vtuntur, magna corporis parte nuda.

Tacitus de moribus Germanorum: Gerunt (inquit) & ferarum pelles, proximi ripæ (hoc est Rheno) negligenter, vltiores exquisitis, vt quibus nullus per commercia cultus. Eligunt feras, detracta velamina spargunt maculis, & pellibus belluarum,

rum. Sarmatæ fluentibus, Germani singula membra exprimentibus vestibus utebantur.

59. SUPERBIA MUNDI.) Cum aliquando in publico Græcorum conuentu Seni cuidam honorato ad synedrion paulo tardius venienti Lacedæmonij assurgerent, Atheniensibus suo se loco nihil mouentibus, natum est prouerbium, Athenienses docere quid honestum, & quid sit faciendum, Lacedæmonios facere & seruare:

60. IUDICIUM PARTICVLARE.) Vita defunctos statim & RECTA, hoc est, in continenti; adeoque in ipso decessus sui momento, sententiam suam, vel damnationis, vel saluationis auferre, exemplo diuitis epulonis, & pauperis Lazari, item Latronis cum Christo crucifixi, docemur.

Quod Dionysius Carthusianus in illo libello, seu colloquio cum Fratre, de particulari iudicio animarum deducit & indubitatum facit.

Facile est coram Deo in die obitus retribuere unicuique secundum vias suas. Ecclesiast. cap. 11.

Quid egeris, tunc videbis, quando animam ages. Sen. Ep. 26.

Reiecta igitur, & dudum confutata est illorum opinio, qui piorum hominum spiritus, qui corpore soluti, nulla purgatione egent, non recta & statim ad fruendam beatitudinem, quæ in clara Dei visio-

visione fita est, admitti, sed vsque ad vltimum Iudicii diem, in quibusdam abditis receptaculis, vbi nec Deum videant, nec beati dici possint, seruari asseruerunt. Quem errorem refutatum videre licet, apud Cardinalem Bellarminum in septimæ partis controuersia generali, quæ est, de sanctis lib. 1. c. 1. Et Genebrardum Theologum Parisiensem in sua Chronologia ad annum mundi. 1327.

61. IRA DEI.) Qui sine ira Deum esse credunt, dissoluunt omnem Religionem, sine qua aut immanitate belluis, aut stultitia pecudibus adæquantur, Lactantius de ira Dei. c. 22. in quo toto libro, Deum malis irasci, & erga bonos gratia commoueri, luculenter declarat.

Scitote esse Iudicium. Iob. c. 19. in fin. Errare noli: est apud inferos Iudicium, quod faciet Deus omnium Dominus, cuius nomen admirabile. Philæmon.

62. FACTA VERBIS RESPONDEANT.) Non est Philosophia vulgare artificium, nec ostensioni paratum, non in verbis, sed in factis est. Ante omnia enim videndum est, an philosophiâ in vita profeceris. Sen. epist. 16.

Verba rebus probanda. Maximum hoc est officium Sapientiæ, & Iudicium, vt verbis opera concordent. Sen. ep. 20.

Turpissimum est, quod nobis obijci solet verba
Philo.

Philosophiæ, non opera nos tractare. Idem. ep. 24.

Mendacium incongruum est, & ineptum, non in opere, sed in labijs habere bonitatem. Lactantius.

63. INSIPIENS.) Dixit in corde suo non est Deus. psal. 13.

Propter quod irritavit impius Deum? Dixit in corde suo, non requiret. Psal. 8.

Dixerunt impij: Quomodo scit Deus? & si est scientia in excelsis? Psal. 72.

Saduceorum secta tenebat, non esse resurrectionem, neq; angelum, neque spiritum. Act. c. 25.

Apud antiquissimos philosophos, qui ante Socratem floruerunt, nulla fuit dubitatio, quin sit Deus, cuius providentia omnia regantur. Primus extitit tempore Socratis Prothagoras, qui ausus fuit dicere, sibi non liquere, vtrum esset aliqua Diuinitas, nec ne. Quæ disputatio eius adeo impia, & contra veritatē, & Religionem iudicata est, vt & ipsi Athenienses expulerint suis finibus, & libros eius in concione, quibus hæc continebantur, exusserint.

Multis post annis ibidem (Athenis) extitit quidam Diagoras, qui nullū omnino Deum diceret, ob quā sententiā nominatus est ἀθεος Lact. de ira Dei. c. 9.

Et Aristoteles, Impietatis postulator, vt de Dijs malè sentiens, in Chalcidem Eubeæ oppidum profectus mortifero epoto veneno, perijsse traditur. Vide P. Andreā Scotū, de comparata vita Aristotelis, &

Demo-

Demosthenis, Olymp. 114. Anno 3. quo ambo hæc Græciæ lumina extincta fuerunt, relicta post se immortalis nominum suorum memoriâ.

Veteres Philosophi veritatis sacrarum literarum ignari, de pœnis Infernalibus fabulosa persuasione crediderunt, vel saltem utilitatis gratia (ut nimirum homines metu pœnarum in officio continerentur) Vulgo inculcârunt, scriptisq; suis signatum reliquerunt, per fluuium Lethæum, errorem animæ, obliuiscens maiestatem creationis suæ, Vitæque beatæ: per Phlegetontem, ardorem irarum, & cupiditatum: per Achærontem, dictorum factorumque in hac vita pœnitentiam, quæ plerunque actiones imprudenter institutas sequitur: per Cocytum, quidquid hominem in luctum, lachrymasque compellit: per Stygem, gurgitem odiorum, quæ homines inter se exercent, intelligendum esse. Vide Macrobius in somnium Scipionis. lib. 1. c. 10.

Ex Epicuri schola est, pœnas infernales non esse ullas: à Poëtis tantum utilitatis gratia iuuentum esse, quod Lactantius lib. 7. c. 7. & alijs in locis confutat.

64. FATVM, vel, CASVS.) Nota est antiquorum Philosophorum altercatio, utrum fate, an casu, an Dei providentia Mundus regatur: Stoici fato, Epicuræi Casu, Socratici & Platonici Deo dispo-

sponente omnia fieri asserebant : Deo libenter parendum, fortunæ contumaciter resistendū, Deum sequendum, Casum ferendum esse. Videatur Seneca Epist. 16. & ibi Lipsius, & in Physiologiæ suæ lib. 1. c. 10. cum aliquot sequentibus.

Arrianus ad Epictetum lib. 1. c. 12. sic habet: de Dijs, sunt (puta impij & insipientes) qui negant ullum Numen : Sunt qui esse concedant, sed ignauum, incurium, & nulli rei prouidere : Sunt tertij, qui & esse, & prouidere admittunt, sed non nisi magnis & cœlestibus, terrenorum autem nulli : Quarti & cœlestibus, & terrestribus, sed vniuersis duntaxat, non autem singulis & vnicuique seorsim : At quinti, inter quos Vlysses & Socrates (intellige Homerum, Socratem & Platonem) afferunt, statuuntque se clām Deo nihil nemouere quidem posse. Plura in hanc sententiam qui volet, videat Lipsij allegata. lib. 1. Physiologiæ.

65. DE DEO.) Qui Deum esse, eumque omnia sapientissime regere & curare, ausi fuerunt negare, illos non modo non fuisse philosophos, sed ne homines quidem, Lactant. lib. 7. capi 9. graui-ter disputat, eosque confutat. Sanè si Lactantius in confirmandis nostris tam paratus fuisset, atque in destruendis alienis, vix suo æuo circa annum Domini 320. sub Constantino Magno sibi parem habuisset, teste Hieronymo, de Scriptoribus Ecclesiasticis & epist. 13. & 124.

F

Deum

Deum vnum, bonum, præscium futuri, & potentem esse malia uertendi, & boni conferendi, hominemque ἀντεξόντων, hoc est liberum sui arbitrij, suæque potestatis à Deo institutum & formatum., ac proinde hominem ipsum non Deum, perditionis suæ causam esse, & auctore, Tertullianus aduersus Marcionem lib. 2. à capite 5. vsque ad finem illius libri, & passim aduersus Simonianos & Valentinianos hæreticos grauissimè defendit, & Iacobus Pamelius, Theologus Louanienfis doctissimus, articulum illum de libero hominis arbitrio contra neotericos ad dictum cap. 5. Tertulliani insigniter declarat.

Deus custos, rectorquè est vniuersi, animus ac spiritus, mundani huius operis. Dominus & artifex, cui nomen omne conuenit: Ipse enim est totum., quod vides, totus suis partibus inditus, & sè sustinens vi sua. Seneca. Natural. Quæst: lib. 2. c. 45.

66. PECCATOR MISERESCENS SVI.) Miserere animæ tuæ, placens Deo, & contine, & congrega cor tuum in sanctitate eius. Eccles. c. 30.

Egredimini de medio Babylonis populus meus, & saluet vnusquisque animam suam, ab ira furoris Domini. Hierem. c. 51.

67. MEMORIA NOVISSIMORVM.) In omnibus operibus tuis memorare nouissima, & in æternum non peccabis. Eccles. 7.

Gens absque consilio & prudentia : Vtinam saperent & intelligerent nouissima. Deuter. 32.

Nil sic hominem reuocat à peccato, quàm frequens mortis cogitatio. August.

Tota vita sapientis, mortis est meditatio. Plato.

Nihil tam æquè tibi profuerit ad temperantiam omnium rerum, quam frequens cogitatio brevis æui, & huius incerti. Sen. ep. 114.

Mortem semper præ oculis habendo vitam hanc transigere debemus. Lucian. in Charont.

Annos æternitatis semper in mente habe. Ps. 76.

Nunquàm satis dicitur, quod nunquàm satis discitur, quibusdam remedia monstranda, quibusdam inculcanda sunt. Sen. ep. 27.

Nihil ad rem pertinet, quo loco & tempore desinas viuere, Tantum bonam clausulam impone. Sen. Ep. 77. omnino in fin.

68. IUDICII ASSIDUA RECORDATIO.) Quidquid ago, siue comedo, siue bibo, semper vox illa sonat in auribus meis, surgite mortui, venite ad Iudicium. Hieronym.

69. FRÆNUM PECCATORVM.) Quando te inuitat appetitus ad peccandum, cogita extremum Iudicium. Basil.

*Ira furor brevis est, animum regè, qui nisi paret,
Imperat; hunc franis, hunc tu compesce catenis.*

Horat.

70. COGITA MORI.) Itate observa & alloquere, ac si dies ille laturus sententiam de omnibus vitæ annis venerit: Quidquid facies, respice ad mortem. Sen. epist. 114.

Nulla res magis ad extirpanda vitia prodest, quàm cogitatio mortalitatis: sibi quisque vt alteri dicat, quid iuuat tanquàm in æternum genitos breuissimam ætatem dissipare? Sen. de ira. lib. 3.

Erit quandoque terminus rebus humanis, cum partes terræ interire debuerint, abolerique funditus. Sen. natur. quæ. lib. 3. c. 29. Lips. Physiolog. lib. 2. c. 20. & 21.

Desinet ira (sicut etiam alia vitia) & erit moderatior, qui sciet sibi quotidie ad Iudicium veniendum esse. Sen.

Magna nobis, si dissimulare non volumus, necessitas probitatis, cùm ante oculos Iudicis cuncta cernentis agamus. Boët. in Prosa vlt: lib. 5. de consol.

71. IUDICIUM EXTREMUM ET GENERALE.) Horrorem extremi Iudicij nec linguæ hominum effari, nec mens humana cogitando capessere potest, de quo Euangelistæ Matth. 24. & 25. Marc. 13. Luc. 21. & 23. ibi: Dicent montibus cadite super nos, & collibus, operite nos. S. Ioan. in Apocal. c. 6. sub. fin. Addantur his quæ Lactantius lib. 7. c. 16. scribit vbi illud Sibyllæ allegat.

Σάλπιγξ οὐρανὸθεν φώνην πολυτρήνον ἀφίσει,
Tuba è cœlo luctuosam vocem emitter.

Causas quare Deo placuerit, tametsi in particulari iudicio, de quo supra nu. 60. suam quisque sententiam vitæ vel mortis acceperit, nihilominus post finem mundi generale iudicium exercere, vide apud Iosephum Acoſtam de nouissimis temporibus lib. 1. c. 8.

71. DEO OMNIA MANIFESTA.)

ἔστιν ἡ πρόνοια ἰδίᾳ, καὶ δημοσίᾳ, καὶ πανταχοῦ.

Est prouidentia priuatim, & publice, & vbiq;.
Clemens Alexandrinus.

Non est vlla creatura inuisibilis in conspectu Dei, omnia enim nuda & aperta sunt oculis eius, ad quem nobis sermo. Ad Hebr. 4.

Non vniuerso hominum generi solum, sed etiam singulis à Dijs Immortalibus consulitur, ac prouidetur. Cicero lib. 3. De natura Deor.

Conditor orbis ex alto cuncta intuetur,

Quæ sunt, quæ fuerint, veniantque,

Vno mentis cernit ictu:

Verum hunc possis dicere solem. Boet.

de cons. lib. 5. metro. 3.

Deus nouit omnia, non solùm quæ fuerunt & sunt, sed etiam futura, & singulares cuiusque motus, animum inspiciens intrinsecùs omnium & singulorum, æternam habens intelligentiam, & quod

in theatro fit sensim, scilicet inspiciendo, circumspiciendo, conspiciendo, hoc in Deo simul fit, & acervatim. Omnia enim & singula intuetur vna applicatione, quam Græci *μίαν περβολήν* vocant. Hinc Ægyptij oculos ex pretiosissima & perspicacissima quæque materia fabricabant, & in templis Dijs suis consecrabant, tacitè significantes, quòd Deus omnia omninò videt. Hæc ex Clemente Alexandrino refert opt. & Doctiss. Dom. Albertus Hungerus, nuper Proconcellarius vniuersitatis Ingolstadianæ, in aureo illo suo precum Christianarum libro. ca. 10. metro. 3. ex Cyrillo.

ὄμμα δίκης καὶ θεῶν πάντα τὰ γινόμενα.

Oculus Iustitiæ omnia, quæ facta sunt, fiunt & futura sunt, videt.

Ὁξὺς θεοῦ δὲ ὀφθαλμὸς εἰς πάντα ὁρᾷ.

Acutus Dei oculus ad res omnes cernendas. Menand.

Deus ab æterno cuncta prospiciens providentiæ cernit intuitu, & suis quæque meritis prædestinata disponit. Boët. Prof. 2. lib. 5. Plura, si libet, videre licet, apud Lipsium, de Constantia lib. 1. c. 13. & 14. & Physiol lib. 1. c. 11.

73. DE STYLO FERREO.) Stylo ferreo scripta seu notata esse in libris sacris illa intelliguntur, quæ perpetuo sunt mansura, omnibus mutationibus exempta. Sic illud in Iob. ca. 19. Quis mihi

mihi det, vt exarentur in libro stylo ferreo? Sic Hierem. cap. 17. peccatum Iudæ scriptum est stylo ferreo.

Sic tres Parcæ FATI amanuenses, scribæ vel Secretariæ à poëtis finguntur, stylo ferreo vel etiam ad amantino decreta Dei immutabilia adnotare, & in libros vitæ & mortis omnia & singula referre. Delebo (inquit Dominus. Deutor. c. 22.) illum, qui mihi peccauerit, de libro vitæ, Psal. 68. & Apoc. c. 20.

74. ASSESSORES VLTIMI IUDICII.) Amen dico vobis, quod vos, qui secuti estis me, in regeneratione, cum sederit filius hominis in sede Maiestatis suæ, sedebitis & vos, super sedes duodecim iudicantes duodecim tribus Israel. Matth. 19.

Quæ de Æaco, Minoë & Rhadamanto Poëtæ fabulantur, vulgo nota sunt.

75. MILLE MILLIA.) Millia millium ministrabant illi, & decies centies centena millia assistebant ei, Iudicium sedebat, & libri aperti sunt. Dan. c. 7.

76. VALLIS IOSAPHAT.) Confurgent & ascendent gentes in valle Iosaphat: quia ibi sedebo, vt iudicem omnes gentes in circuitu: Ioël. c. 3.

77. PRÆDESTINATIO.) Spectator cunctorum Deus, visionisq̃ue eius præsens semper

Æternitas, cum nostrorum actuum futura qualitate concurrens, bonis præmia, malis supplicia dispensat. Boët. l. 5 de consol. prof. vlt. sub fin.

Altissima est scientia & prouidentia Dei, attingens à fine vsque ad finem fortiter, & disponens omnia suauiter. Sapiens. c. 8.

78. SENTENTIA EXTREMI IUDICII.) Multi ex his qui dormiunt in terræ puluere, euigilabunt: alij in vitam æternam, alij in opprobrium, vt videant semper, &c. Dan. c. 12.

Ibunt hi (maledicti & damnati) in supplicium æternum, iusti verò in vitam æternam. Matth. 25.

79. FURIAE INFERNALES.) Furias tres, Megæram, Alecto, & Thesiphonen, examinatrices conscientiarum & commissorum delictorum executrices strenuas, faciunt Poëtæ, significare volentes, à Dijs odio & punitione persequendos homines malos, sine intermissione. Phurnutius in explicatione fabularum Poëtarum, allegatus quoque à R. P. Pontano. in lib. 6. *Æneid.* pag. 1470. in princ.

80. NON TARDANDUM.) Non tardes conuerti ad Dominum, & ne differas de die in diem: subito enim venit ira illius, & in tempore vindictæ, disperdet te. Eccles. c. 15.

Desinit esse remedio locus, vbi quæ fuerunt vitia, mores fiunt. Sen. ep. 39. in fine.

Maxima

Maxima vitæ iactura dilatio est, illa primum quemque extrahit diem, illa eripit præsentia, dum vltiora promittit. Sen.

Qui omnes dies tanquam vitam ordinat, nec optat crastinum, nec metuit. Senec. de vita beata.

Maximum viuendi impedimentum est expectatio, quæ pendet ex crastino, Seneca.

Alexander Magnus interrogatus, quomodo tot & tam magnas res, tam celeriter & fæliciter gesserit, respondit, *ὅνδε ἀναβαλλόμενος*, hoc est, nihil differendo, Alciatus refert in problematis.

81. NON DORMIENDVM.) Venit tempus, prope est dies occisionis. Eccles. c. 7.

Quid inter cedere & venire diem differat, Iureconsultis notum est, ex L. Cedere diem. ff. De verb. signif.

Venit hora, & nunc est, quando mortui audient vocem filij Dei, & qui audierint, viuent. Ioan. ca. 5.

Scitote, quia hora est iam nos de somno surgere. S. Paul. ad Rom. 13.

Hi iam verè viuere, & animo frui videntur, qui alicui negotio intenti, præclari facinoris aut artis suæ famam quærunt. Sallust.

Omnes horas complectere; sic fiet, vt minus ex crastino pendeas, si hodierno manum inieceris,

dum differtur, vita transcurrit: Omnia aliena sunt, tempus tantum nostrum. Sen. ep. 1.

Inter spem, curamq̃, timores inter, & iras

Omnem crede diem tibi diluxisse supremum. Horat.

Tu quamcunq̃, Deus tibi fortunauerit horam,

Gratà summe manu, nec dulcia differ in annum.

Interrogatus Musonius, quisnam optime diem extremum claudere possit? qui (inquit) postremum sibi diem semper instare proposuerit. S. Maximus.

82. VIA ANGVSTA AD COELVM.) Intrate per angustam portam: quia lata porta est, & spaciofa via, quæ ducit ad perditionem, & multi sunt, qui intrant per eam. Matth. 7.

Contendite intrare per angustam portam, quia multi (dico vobis) quærent intrare, & non poterunt. Luc. 13.

Multi sunt vocati, pauci vero electi. Matth. 20.

Non est iustus quisquam, non est intelligens, non est requirens Deum, omnes simul inutiles facti sunt, non est qui faciat bonum, non est vsque ad vnum. Psal. 13. Paul. ad Rom. 13. Esa. c. 56. in fine. vide superius, numero. 32.

83. TIMOR DOMINI.) Deum time & mandata eius serua, hoc est enim omnis homo. Ecclesiastes cap. vlt.

Corona sapientiæ, Timor Domini: Timor Domini expellit peccatum: nam qui sine timore est, non poterit iustificari, Eccl. c. 1. & 2. per totum. Ti-

Timor Dei solus est, qui custodit hominum inter se societatem, per quem vita ipsa sustinetur, munitur, gubernatur. Is autem timor auferetur, si fuerit homini persuasum, quod iræ sit expers Deus, quem moueri & indignari, non modo cum iniusta fiunt, communis vtilitas, sed etiam ratio ipsa & veritas persuadet. Lactan. de ira Dei. ca. 12. Adde, quæ superius nu. 61. & 65.

84. TRIA IURIS PRÆCEPTA,) Hone-
stè viuere: neminem lædere: suum cuiq; tribuere.

Diliges Dominum Deum tuum ex toto corde tuo (per intellectum) & in tota anima tua (per voluntatem) & in tota mente tua (per memoriam) Hoc est maximum & primum mandatum, secundum autem simile huic, diliges proximum tuum sicut te ipsum. In his duobus mandatis vniuersa lex pendet, & prophetæ. Matthæi 22.

85. FATVM AGNOSCE.) Quod Græcis ab ordine & perpetua serie causarum inter se connexarum, εἰμαρμένον, id latinis (teste Cicerone lib. 1. de diuinat: & Prisciano) placuit FATVM nuncupare, à fando, tanquam dictum, iussum, & decretum diuinum, quo omnia fiunt, reguntur & curantur. Recte igitur fatum vox Dei & sanctio diuinæ MENTIS à Lipsio indigitatur: Nam nomen FATI, sicut etiam PROVIDENTIÆ (ex qua FATVM nascitur, seu FATI antecedens est) DEO ipsi

ipsi conuenit, ita vt qui DEVM, qui est causa causarum, à quo omnia suspensa sunt, FATVM & PROVIDENTIAM appellent, non errent, neque peccent, iuxta Senecam Natural : Quæst: lib. 2. cap. 45, Per FATVM igitur DEVS & diuina providentia hoc loco intelligatur. Alia de FATO, quatenus illud æternæ mentis ἀρχὴν ἢ ἀκατάληπτον, inexplicable & incomprehensibile consilium est, puta quare Deus Iacobum amauit, Esau odio habuit, quare in die supremæ necessitatis, duobus in lecto vno, vel in vno eodemque pistrino repertis, vnus assumetur, alter relinquetur, hæc, inquam, non sunt huius loci & instituti huc transscribere : Theodidactis & Theologis, tanquam scrutatoribus scripturarum, hæc debentur. Sufficiunt nobis illa, quæ Iustus Lipsius, exactissimus ille rerum omnium scitu dignarum & vtilium indagator, in aureo illo Politicorum suorum lib. 1. c. 4. & Philosoph. lib. 1. c. 12. & sequentibus aliquot, præsertim c. 17. sub finem, & ante hos in lib. 1. De Constantia à cap. 14. vsque ad 21. compilauit, vbi explicatis veterum Philosophorum & Orthodoxorum Ecclesiæ Patrum Sententijs, duo salubriter monet. Prius quid fatum Christianorum differat à Stoico: alterum à curiosà Fati indagatione cauendum esse, tanquam à re ancipite, periculi plenà. Videatur idem Lipsius in defensione sua posthuma. c.

86. SPES ET FIDUCIA IN DEVM.) Respicite filij nationes hominum & scitote, quia nullus speravit in Dominum & confusus est. Eccl. c. 2.

Vnicum est inter homines, Deumq; commercium, SPERARE ET DEPRECARI: Animæ humanæ destitutæ & priuatæ hoc commercio, in extremam incidunt servitutem, quippe vitijs deditæ, rationis propriæ possessione cadunt, sua quodammodo propria libertate captivæ. Boëthius in fine lib. 5. de consol.

87. VOLUNTATIS HUMANÆ CVM DIVINA VNIO ET CONFORMITAS.) Ut voluntas Domini, sicut in cælo, sic etiam in terra fiat, à Christo Domino nostro, non solum docemur, Matth. c. 7. Luc. c. 11. verum etiam eiusdem exemplo in passione sua Deum patrem sic orantis: non mea, Pater, sed tua voluntas fiat, informamur.

Ab agnitione igitur prouidentia diuinæ: à firmam Deum spe & fiducia: denique à voluntatis nostræ cum diuina vnione & conformitate, tranquillitatem, adeoq; beatitudinem hominis dependere, sanctorum virorum doctrinis & exemplis, quibus pleni sunt libri & sacra omnium temporum historia, admonemur. Constitui (inquit Epicætetus) & conformari voluntatem meam, voluntati diuinæ: vult me febricitare? & ego volo: aliquid aggredi? volo. potiri? volo. non potiri? nolo. mori?

ri? volo. Videantur illi, qui ad cap. 77. & 78. Epist. Ceteri & in his præcipue simplicius commentati sunt, & Ianus Bernartius Mechliniensis, doctissimus nuperrimus commentator Boethij in profam 2.^{am} & vltimam lib. 5, de consol.

88. AVREA CATENA HOMERI.) Hæc catena Homeri, quem Macrobius omnium diinarum adinventionum, tanquam fontem & originem merito admiratur, passim apud scriptores, singulariter apud eundem Macrobi. in Som. Scip. l. c. 14. celebratur, quæ catenæ nihil est aliud, quam inuestigabilis illa caussarum series & connexio, quæ supra cum inferis, diuina cum humanis, per voluntatem Dei & hominis, inexplicabili Dei consilio colligata sunt, & cohærent, vide Lipsium de Constantia lib. 1. cap. 14.

89. CVRIOSITAS.) Altiorate, ne quæsieris, & fortiorate ne scrutatus fueris, sed quæ præcepit tibi Deus, illa cogita semper, & in pluribus operibus ne sis curiosus. Eccles. c. 3.

Qui maiestatis est Scrutator, opprimetur à gloria, proverb. c. 27.

Noli altum sapere, sed time. Paulus. Ad Romanos c. 11.

In arduis & abstrusis istiusmodi quæstionibus, veluti an, quid, & qualis sit Deus, an, & quid sit eius providentia & prædestinatio, quid fatum;

fatum, quid necessitas, & in similibus quæstionibus vir bonus & pius debet animum suum gubernatori vniuersi submittere, & sicut boni ciues legi ciuitatis parere, in causas vero legis & quid legislatoris animum ad aliquid statuendum mouerit, non inquirere. Arrianus ad Epictetum lib. i. cap. 12.

Curiositatibus istiusmodi, quas Deos quoque odisse scribitur, obuiam eundum est per patientiam & constantiam.

90. *SCALA IACOBI PATRIARCHI.*) Videtur Homerus. Iliad. lib. 8. catenam suam auream ex Moisis ca. 28. Genes. sumpsisse, & scalam illam, quâ in terris positâ, & ad summum cælum, vsque ad Deum ipsum pertingente, Iacob lapidi incubans, & altum dormiens, vidit angelos ascendentes & descendentes, tanquam nuncios inter Deum & Homines, in catenam auream mutasse. Videatur R.^{us} admodum & doctissimus P. Benedictus Pererius in d. ca. 28. Genes. in tert. disp. vbi tandem prouidentiam, qua Deus res humanas non solum coràm intuetur, sed etiam curat & moderatur, per Moysen primùm, & post illum, si non etiam ex illo, per Homerum significatam esse haud obscurè innuit.

91. *ANGELI CUSTODES.*) Pertinent eodem, & ad istam scalam Iacobæam faciunt, quæ in libro de

de Deo Socratis Apuleius, ut philosophus Platonius (quem in illo libro egregie præstitit, alioqui non boni nominis scriptor) commemorat de diuinis medijs potestatibus, quæ inter summum æthera, & infimas terras interfitæ, desideria hominum & merita ad Deum referunt, inter terricolas & cœlicolas, hinc precum, inde donorum repræsentatores, qui vltro citroque portant, hinc petitiones, inde superpetias, ceu quidam vtrinque interpretes & salutigeri. Per hos cuncta cœlestium voluntate, sed prædictarum diuinarum potestatum obsequio & operâ & ministerio dirigi.

Ibidem idem Apuleius, Ex sublimiore (inquit) *ἐν δαιμόνων* copiâ, Plato autumabat singulis hominibus in vita agenda testes & custodes singulos additos, qui nemini conspicui semper adsint, arbitri omnium, non solum actionum, verum etiâ cogitatorum: ac vbi vitâ redditâ migrandum est, eundem illum, qui nobis præditus fuit, raptare & trahere, veluti custodiam suam ad iudiciû, atquæ illis in causâ dicendâ assistere: si quæ comentiatur, redarguere, si quæ vera dicat, assenuerare, prorsus ipsius testimonio ferri sententiam. Hæc ex Platone Apuleius. Idem ferè Arrianus ad Epictetum lib. i. c. 12. Deus (inquit) procuratorem vnicuique addidit genium cuiusque, illumq; illi custodem tradidit, & tali quidem, qui nec dormiat, nec decipiatur.

Quid

Quid de Angelo custode clarius? quid evidenti-
 tius? plura, si libet, videantur apud Lipsium Phisio-
 log. lib. 1. dissertat. 19. & 20. vbi de Genijs bonis
 & malis, eorumque officijs & effectibus multa,
 Platonem, Apuleium, & alios sacrae & profanae Phi-
 losophiae Patres allegans.

92. DEO FIDENDVM.) Consultissimum
 est, vt qui ad veram beatitudinem, animique tran-
 quillitatem, non solum in hoc mundo, sed etiam
 in futuris saeculis assequendam aspiramus, illud S.
 Petri Apostoli consilium, vel potius praecipuum se-
 quamur. Satagite (ait ille in ep. sua. 2. c. 1.) vt
 per bona opera certam vestram vocationem & ele-
 ctionem faciatis.

Quin etiam Seneca & Epictetus, quamuis am-
 bo stoicissimi, ad caelestis Numinis auxilium in ad-
 uersis, & huius mundi procellis, tanquam ad sa-
 cram anchoram confugiendum esse suaserunt. Vo-
 ta talia (inquit Seneca Ep. 10.) suscipe; Roga
 Deum bonam mentem, bonam valetudinem ani-
 mi : deinde corporis : Sic viue cum hominibus,
 tanquam Deus videat, sic loquere cum Deo, tan-
 quam homines audiant.

Idem Seneca Epist. 107. illud Cleantis Philo-
 sphi commendat.

*Duc me parens, celsiq, Dominator Poli,
 Quocunq, placuit, nulla est parendi mora,
 Adsum impiger.*

G

Ex

Ex Seneca Epictetus in suo Enchiridio cap. 77 & 78. In quouis incepto (ait) hæc optanda sunt: Duc me, ô Iupiter (Deus) & tu fatum (voluntas & prouidentia Dei) eò, quo à vobis sum destinatus: sequar enim alacriter. Quid hoc est aliud, quam quod nos quotidie oramus. Fiat voluntas tua, sicut in cœlo, & in terra?

93. GENIO SEV ANGELO BONO PARENDVM.) Plato autumauit, singulis hominibus in vita agenda testes & custodes singulos additos, & prudentis, sapientisque hominis esse, ad quæcunq; vel agenda vel metienda animum suum formare, & scire debere, nihil præ custode suo, nec intra animum, nec foris esse secreti, quin omnia testis ille, & custos prædictus curiosè participet, omnia visat, omnia intelligat, in ipsis penitissimis mentibus vice conscientia diuersetur. Hic (Genius seu angelus bonus) prorsus custos, singularis Præfectus, domesticus speculator, proprius curator, intimus cognitor, assiduus obseruator, indiuiduus arbiter, inseperabilis testis, malorum improbator, bonorum probator, si ritè animaduertatur, sedulo cognoscatur, religiosè iustitiâ & innocentia colatur, in rebus incertis prospector, in dubijs promotor, in periculosis Tutor, egenis opitulatur erit, qui tibi queat, tum in somnis, tum
in

In signis, tum etiam fortassis coram, cum usus postulat, mala aueruncare, bona prosperare, humilia sublimare, nutantia fulcire, obscura clarare, secunda regere, aduersa corrigere. Hæc ferè ad verbum ex Apuleio in d. lib. de Deo Socratis, in quo omnino Platonicus est. Platonem, vero, vt multa alia, quæ diuinitatem sapiunt, vnde diuinus merito appellatur, sic hanc quoque cognitionem, De angelis, seu bonis Genijs, ex libris Mosaicis & Propheticis hausisse & didicisse, plus quam verisimile est. In confesso enim est, Platonem, postquam mysteriosa dogmata Pythagorica in illa Italiae parte, quæ olim magna Græcia, post & etiam nunc Calabria vocatur, didicisset, inde in Ægyptum transmisisse, vbi cum Vatibus seu sacerdotibus Memphiticis, & Hieropolitanis diu multumque conuersatus, non solum de Philosophicis & Naturalibus, sed etiam de Deo & diuinis multa didicit, & ad Græcas scholas secum asportauit. Quis enim omnium hominum hominì (verba sunt Lipsij hac ipsa de re agentis, in lib. 1. Physiologiæ cap. 19. in fine) illa, quæ Plato de Deo, de Angelis, & alijs diuinis scripsit, suggestisset, aut suggerere potuisset, sacrorum nostrorum arcanis sic alludentia & vicina? Creditur Plato in prædicta Ægyptiaca peregrinatione sacra Biblia legisse, & ex Ieremia Propheta, qui plus minus annis 220.

ante ipsum ibi aliquot supra quadraginta annos, veram de Deo & diuinis doctrinam tradidit, & post se reliquit, illa quæ paulo ante ex libris Mosaicis & psalmis Dauidicis relata sunt, didicisse, & in libros suos retulisse.

De Angelis sic habet textus Mosaicus, Exodi. c. 23. Ecce ego mitto angelum meum, qui præcedat te, & custodiat in via, & introducat in locum, quem paraui.

Et psalmo. 90. Angelis suis (ait Regius propheta) mandavi de te, vt custodiant te in omnibus vijs tuis.

94. VIRTUS LABORE COMPARANDA.) Hesiodus.

Τῆς δὲ ἀρετῆς ἰδιωτὰ θεοὶ τροπαροῖσιν ἔθηκαν
 Ἀθάνατοι, μακρὸς δὲ καὶ ὄρθιος ὁῖμος ἐπ' αὐτὴν,
 Καὶ τεῖχος τὸ πρῶτον, ἐπὴν γ', εἰς ἄκρον ἵκηται,
 Πηιδίη δὲ ἥπειτα πέλει, χαλεπή περ ἔουσα. hoc est.

Ante virtutem vero sudorem Dij posuerunt
 Immortales : longa vero & ardua via est ad ipsam,
 Primumq; aspera : vbi vero ad sumum ventum fuerit,
 Facilis deinceps est, quantumuis difficilis fuerit.

Lucilius ita :

*Virtutem voluere Dij sudore parari,
 Arduus est ad eam, longusq; per ardua tractus,
 Qui primum est asper : sed vbi alta cacumina tangis,
 Fit facilis, quæ duræ prius fuit incluta virtus.*

Μοχθεῖν ἀνάγκη τοὺς θέλοντας εὐτυχεῖν.

Laborent necesse est ijs, qui fortunati esse volunt.

Menander.

95. ANIMVS INDVRANDVS.) Indurandus est animus, & à blandimentis voluptatum longe abstrahendus. Sen. ep. 52.

Nihil pulchrius consuetudine, quâ quis die consummato, & ad quietem nocturnam se recipiens, animum suum ita examinat: Quod malum tuum hodie sanasti? cui vitio obstitisti? qua parte melior es? Sen. lib. 3. de ira, de Sextio hoc referens & commendans.

96. VERVM ET FALSVM GAVDIVM.) Vt Iustum pro Vero, ita vicissim Verum pro Iusto; tam à poëtis, quam ab alijs authoribus vsurpari, Doctissimus Pater Iacobus Pontanus lib. 12. Æneid. antenu. 695, ostendit, Augustanæ Editionis.

Vera virtus gaudium præstat perpetuum & securum: si, quod obstat, nubium modo interuenit, quæ infra feruntur, nec vnquam diem vincunt.

Quod verum & vnicum sit gaudium hominis sapientis, quod item falsum viri stulti, pete ex Sen. Ep. 59. & ex Lipsij Manuduc. lib. 3. ca. 5. & præcitate patre Pontano ad illud Virgilij. lib. 6. Æneid.

*Atq; ut supremam falsa inter gaudia noctem
Egerimus nosti.*

Item ad illud eiusdem Virgilij, Mala mentis gaudia.

Sicut verum ex virtutum, sic falsum gaudium ex vitiorum conscientia nascitur. Multum enim refrænât hominis conscientiam, si credamus nos in conspectu Dei viuere: si non tantum quæ geruntur, videri de super, sed etiam, quæ cogitamus & loquimur, videri à Deo sentiamus. Lactant. de ira Dei. ca. 1.

97. POENITENTIA.) Subinde considera, quam pulchra res sit consummare vitam ante mortem; deinde expectare aliquam temporis sui partem. Sen. ep. 32.

Improbarum voluptatum, etiam post illas, poenitentia est. Sen. ep. 27.

Corpusculum hoc vanas suggerit voluptates, breues poenitendas, & nisi magna moderatione temperentur, in contrarium ituras. Sen. ep. 23.

Metanæa perpetua comes occasionis oblatae, sed neglectæ. Hæc Metanæa, quæ se Deam fingit, ita de se gloriatur.

Sum Dea, quæ facti, non factiq, exigo poenas,

Nempe ut poeniteat, sic Metanæa vocor.

Vide Erasmus in prouerbio. nosce te ipsum.

99. TARDA RESIPISCENTIA.) Vtinam de vita beata non in conspectu mortis ageremus. Sen. ep. 68.

Nam qui peccatum moriens dimittit, & ipsa

*In serum tempus differt admissa fateri,
Non tam dimittit, quam dimittatur ab ipsis.*

Alcimus Poëta.

Sero animus ad periculorum patientiam. post pericula instruitur: non putavi hoc futurum: nunquam hoc euenturum credidissem: quare autem non? Cuius potest accidere, quod cuiquam potest. Sen. de tranquill. vitæ.

Serum est cauendi tempus in medijs malis, Sen. in Thyeste.

Hoc tibi citra diem mortis præsta, vt moriantur ante te vitia. Sen. ep. 27.

99. SENECTVS ELEMENTARIA.) Qui in primis florentis ætatis suæ annis, quando crines flauescunt, caro nitescit eburnea, oculorum gemmis facies rosea decoratur, valetudo corporis vires subministrat, & ætas iuuenilis longioris vitæ spacium repromittit: quando viget ratio, vigent etiam corporis sensus, visus acutior, auditus promptior, incessus rectior, vultus incundior: qui in hac (inquam) ætate se domant, & Deo sociant, tales offerunt Deo hostiam viuientem & immaculatam. Audiat hæc senûm sera conuersio, quibus ex defectu senectutis aures obturantur, oculi turbantur, ipsi in se deficiunt. Hi non offerunt agnum immaculatum, sed, vt ita dicam, porcum cruentatum. Hugo de S. Victore.

Turpis & ridicula res est elementarius senex, hoc est, primum incipiens discere: iuueni parandum est, quod ad vitam beatam pertinet, seni vtendum. Sen. ep. 36.

Male viuunt, qui semper viuere incipiunt: quidam viuere tunc incipiunt, cum desinendum est; quidam ante viuere desierunt, quam inciperent. Sen. ep. 23.

Fæda est virorum leuitas, quotidie noua vitæ fundamenta ponentium, nouas etiam spes inchoantium. Quid turpius est, quam senex viuere incipens? Sen. ep. 13.

Satis multum temporis sparsimus, incipiamus in senectute vasa coligere. Sen. ep. 19.

100. AGNOSCE: DOLE: EMENDA.)
 Symbolum est Serenissimi, optimi & religiosissimi Ducis Wilhelmi Quinti; qui postquam vtramque Bauariam ab anno 1579. vsque ad annum 98. singulari prudentia & fœlicitate gubernauit, diuersis templis & collegijs religiosorum, Viduarum, Virginum, Orphanorum, aliorumque pauperum domibus ex ædificatis & fundatis, abdicato gubernandi onere, eodemque in Serenissimum Maximilianum, tali patre dignissimum filium, inter quinque natu maximum, paternarum Virtutum omnium, præsertim Religionis & Iustitiæ (quæ propria sunt Principum ornamenta) æmulum & ardentissimum imita-

imitatorem, non solum consentientibus, sed etiam applaudentibus amplissimæ patriæ Statibus, translato, secutus exempla multorum Regum, Principum, aliorumque magnorum & piorum sapientumque virorum, vitam beatam in hoc mundo meditantium, relictis omnibus impedimentis & renunciatis diuitijs officijs & voluptatibus, hoc vnū in summam vsq;, quā hodieque pijsissimus iste Princeps viget, ætatem egit, & adhuc agit, vt viuere sciat & mori, vt in simili loquitur Seneca de vitæ breuitate.

101. APVM INDVSTRIA.) Debemus imitari apes, quæ vagantur, & flores ad mel faciendum idoneos carpunt, deinde quidquid attulere, disponunt, ac per fauos digerunt. Sen. ep. 84.

102. FORMICÆ PRVDENTIA.) Vade ad formicam, ô piger, & considera vias eius, & disce sapientiam, quæ cum non habeat ducem, nec præceptorem, nec principem, parat in æstate cibum sibi & congregat in messe, quod comedat, prouerb. c. 6. & 30.

Qui congregat in messe, filius sapiens est, qui autem stertit æstate, filius confusionis. prouerb. ca. 10.

103. Nihil æquè mirandum, quam cum homines & cupiunt optime viuere, & sciant non alia re, quam animo viui, nec fieri posse, quin, si optime

viuas, animus colendus sit, tamen animum suum non colant. Apuleius de Deo Socratis.

104. REGNUM COELORVM.) Primum quærite regnum Dei, & omnia adicientur vobis, Matth. 6.

Res optimas non magno parabiles fugere, dementia est. Sen. ep. 5.

Sapiens non amat diuitias, sed mauult, non in animam illam Gazam, sed in domum recipit: non respuît possessas diuitias, sed contemnit. Sen. de vitæ breuit. Diuitiæ si affluunt, nolite cor apponere. Psal. 61.

Vt æterna cœlestis thesauri præmia capere possimus, quam primum amittendæ sunt huius præsentis vitæ illicibiles voluptates, quæ animas hominum perniciosissima suauitate deliniunt. Lactant. lib. 7. ca. 27.

105. STULTA MEMORIA.) Stulte, quid tibi prodest memoria ista, quam post mortem hic relinquis, si, vbi es, torqueris, vbi non es, laudaris? Chrysoft.

Quæ stultitia est, illic relinquere thesauros, vnde exiturus es, & illuc non præmittere, quo iturus es? Illic ergo substantiam tuam colloca, vbi patriam habes perpetuam. Chrysoft.

Οἷά ἐστι τὰ τῶν κακοδαµόνων πρῶγµατα?

O qualia sunt infelicium & miserorum hominum studia? Lucian. in Charon, Gens

Gens sine consilio & sine prudentia, vtinam
saperent & intelligerent, & nouissima prouiderent:
Dominus iudicabit populum suum. Deut. 32.

106. NOTVS DEO.) Deo cogniti sunt illi,
quorum nomina, vt electorum, in libro vitæ, vel
viuentium vel iustorum sunt descripta, de quibus
Exodi. ca. 20. Iosue. ca. 10. 2. Regum ca. 1. Psal.
68. ad Philipp. ca. 4. in Apocal. Ioan. ca. 3. 20.
& 21.

107. NOTVS SIBI.) Per notionem sui
ipsius proximo itinere ad beatitudinem veram, tam
temporariam, quam æternam perueniri, integris
tractatibus super illud, γινῶσι σεαυτὸν, Nosce te
ipsum, docemur. Macrobius in Somn. Scip. lib. 1.
c. 9, ex Iuuenal. De cælo (inquit) descendit γινῶσι
σεαυτὸν. Videatur Erasmus in prouerb. Nosce te
ipsum: vbi inter reliqua scitu dignissima, etiam hoc
monet, nihil esse difficilius, quam nosce se ipsum,
& nihil facilius, quam alios admonere seu repre-
hendere. Collectis ab Erasmo adde Epistolam Se-
necæ. 50. vbi de Harpaste, vxoris suæ fatua agit,
suum sibi quemque fatuum esse demonstrans. Vi-
deatur & Lipsius lib. 3 cap. 3. Physiologiæ, vbi co-
gnitionem, sicut etiam ignorantiam sui, circa tria
versari ex Platone docet, Nimirum circa opes, &
honores: circa corpus: & circa animam.

108. MORS IMPIORVM.) Qui se vitijs & sceleribus contaminauerit, voluptatique seruiert, is damnatus æternam luet pœnam. Cicero allegatus à Lactant. lib. 7. c. 10. vbi de duabus, quæ homini propositæ sunt, vijs, quarum altera est animæ, altera corporis, & de duabus moribus, quarum vna pertineat ad corpus, altera ad animam.

Καὶ γὰρ καὶ ὁ ἄδου δύο τεύβους νομίζεται :

Μίαν δικαίων, καὶ ἑτέραν τῶν ἀδικαίων. Hoc est, Nam ad inferos (intellige post mortem) duæ sunt Viæ: vna iustorum, altera iniustorum. Phocylid.

Vide superius ad verbum PRÆDESTINATIO nu. 77.

Illi mors grauis incubat,
Qui notus nimis omnibus,
Ignotus moritur sibi. Horat.

Scimus vt impios
Titanas, immanemque Turmam
Fulmine sustulerit caduco. Horat.

109. IUGVM DOMINI.) Tollite iugum meum super vos: iugum enim meum suaue est, & onus meum leue. Matth. 11.

Mandatum hoc, quod ego præcipio tibi hodie, non supra te est, neque procul positum. Deut. c. 30.

Omnium virtutum tutela faciliore est: vitia magno coluntur. Sen. de ira l. 2.

110. OMNIA CVM DEO.) Omnia possum in eo, qui me confortat, S. Paulus ad Phil. 4. Non

Non est difficile præceptis Dei obedire, si voluntas adfit. S. Hilarius.

Qui voluntati Deorum paret, hunc Dij ipsi præcipuè exaudiunt. Homer.

III. ARBITRII LIBERTAS.) Appetitus tuus sub te est, & tu dominaberis illi. Gen. c. 3.

A recta ratione, quæ est anima omnium legum, (c. Erit autem lex: distinct. 4.) alienum est, legem positam esse ei, qui obsequium legi debitum non habeat in sua potestate: & rursus, quomodo comminatio mortis transgressioni legis adscribetur, si non & contemptus legis in arbitrij libertatem homini deputabitur? Tertull. aduersus Marcionem. lib. 2. ante nu. 5. vide superius in verbo. Prædestinatio. num. 77.

Manet ergo mortalibus intemerata arbitrij libertas, vnde nec iniquæ sunt leges, sicut diuinæ, sic & humanæ, quæ solutis omni necessitate voluntatibus pœnas præmiumque proponunt. Boëtius lib. 5. de consolatione. prosa vltima, sub finem. Vide quæ superius ex Tertulliano nu. 20. & inferius nu. 118. allegata sunt.

III2. RELIGIO.) εὐχῆς δικάϊας οὐκ ἀνήκοος θεός. Ad iustus præces non obsurdescit Deus.

τέλμα δικάϊα καὶ θεὸς συλλαμβάνει.

Conatum iustum etiam Deus adiuvat. Menand.

θεὸν σέβου, καὶ πάντα πηράξεις εὐθὺς.

Deum

Deum cole, & omnia tibi prospere succedent.

Idem Menand.

Nulli sunt tam feri, & sui iuris affectus, ut non disciplinâ domentur: Quodcunque sibi imperat animus, obtinuit: Vino quidam, alij Venere, quidam omni humore interdixere corporibus. Sen. de ira lib. 2.

Nihil est difficile, cuius sibi ipsa mens patientiam indicit. Seneca.

Vim temperatam Dij quoque prouehunt in maius: iidem odere vires

Omne nefas animo mouentes. Horat.

113. PIETAS AD OMNIA UTILIS.) Ad omnia utilis est pietas, promissionem habens vitæ quæ nunc est, & futuræ. 1. Tim. c. 4.

Tunc (intellige, quando ante ibit faciem tuam iustitia tua) inuocabis, & dominus exaudiet, & facinabit, & dicet: Ecce adsum. Esa. 58.

Non sunt Dij fastidiosi, non inuidi, admittunt, & ascendentibus manus porrigunt.

Miraris homines ad Deos ire? Deus ad homines venit. Nulla sine Deo mens bona est. Sen.

Nullus diuina sorte infortunatus nimium tristetur: forsan enim nascituri boni occasio fuerit. Menand.

Non tristet iustum, quicquid illi acciderit: impij autem replebuntur malo. Prouerb. ca. 12:

Con-

Conciliat diuos pietas & Tartara vincit. Orph.

Iustæ humilitatis precio, inæstimabilem vicem diuinæ prouidentię promeremur. Boet. prof. 2. lib. 5. sub fin.

114. ANIMALIS HOMO.) Animalis homo non percipit illa, quæ sunt spiritus Dei. 1. Cor. 2.

Animales homines verè sunt illi, qui à Tertuliano, & alijs Psychici nominantur, quorum religio studio carnis constabat, nimirum in πολυγαμία, & πολυφαγία: hoc est, in multiuorantia & multinubentia. Peruersi difficile corriguntur. Eccles. 1.

115. ÆTERNITAS INCOMPARABILIS.) Mille anni ante oculos domini, tanquam dies hesternæ, quæ præterijt. ps. 89. Vide plura superius in verbo, Vita brevis, nu. 5.

Existimo, quod non sunt condignæ passiones huius temporis ad futuram gloriam quæ reuelabitur in nobis. Rom. 8.

116. VITA ÆTERNA.) Melior est dies vna in atrijs tuis super millia. Elegi electus esse in domo Dei mei magis, quam habitare in tabernaculis peccatorum. Psal. 82.

117. LONGÆVITAS ANIMALIUM.) Aristoteli cum rerum natura exigenti (hoc est, exoptulanti) minime conueniens sapienti viro lis est, illam animantibus tantum indulgisse, vt illa vel sena sæcula edurent, homini vero in tam multa & magna

magna genito, tanto citeriorem terminum stare. Sen. de vitæ breuit. c. 1. vbi Lips. plura allegat. præfertim Aufon. Edyll. 18. de ætate.

Quæ fuerint causæ longæuitatis Patrum prioris mundi (puta ante diluuium Noëticum & post) & breuitatis vitæ subsequētis temporibus, quibus summa ætas hominum ad annos 120. æstimata est, videat, qui volet, Augustinum Torniellum in Anal. mundi. Anno 1656. fol. 94. Vide superius, nu. 35.

118. ANIMA HOMINIS.) Animam immortalem esse, cum id à quo auulsa est, (quasi pars à toto) sit immortale, Pythagoras docebat, referente Laërtio inter dogmata Pythagorica.

Hominem ortum esse ad mundum contemplandum & mirandum, nullo modo perfectum, sed particulam perfecti esse. Cicero lib. 2. de Natura Deorum scripsit.

Laëtantius lib. 7. c. 6. Idcirco (inquit) Mundus factus, vt nascamur : ideo nascimur, vt agnoscamus factorem Mundi, & nostri, DEVM : ideo agnoscimus vt colamus, & immortalitatem pro mercede laborum capiamus.

Inter bonos viros & Deum amicitia est, conciliante virtute : Seneca de prouidentia.

Horatius particulam diuinæ auræ vocat : Seneca non vno, sed pluribus in locis partem Dei, & diui-

diuini spiritus dispersam in corpore, Videatur Lipsius, ex sacris & profanis scriptoribus hac de re dissertans, De Constantia lib. 1. ca. 5. & phisiolo. lib. 3. ca. 8.

Tertullianus definit animam flatu Dei natam, immortalem, allegatus superius. nu. 20.

Quo sensu vel intellectu anima hominis à poëtis & philosophis nonnullis, præsertim ab Horatio & Seneca, & ante hos, à Pythagora, pars seu particula quædam diuini spiritus vel auræ dicatur, petendum est ex Tertulliani lib. 2. aduersus Marcionem. c. 9. & in lib. de anima, ca. 11. & utrobique videndus Iacobus Pamelius, commentator Tertulliani, nimirum non quasi anima hominis pars sit materiæ & substantiæ diuinæ, quod Hermogenes & quidam alij Hæretici contenderunt, sed quod anima Dei flatu nata, sicut ex aura aurula quædam oritur, sic ex afflatu illo, de quo Gen: ca. 2. operationes quædam diuinæ per rationem, quæ homo omnibus alijs animantibus antecellit, præstentur.

119, HOMO IMAGO ET SIMILITUDO DEI.) Quam variè & diuersè hæc verba ex Gen. c. 2. à Doctoribus explicentur, videre est apud P. Pererium lib. 4. De creatione hominis, Quæst. 1. folio Colonienfis editionis. 163. nu. 35. vsque ad 40. ubi sex proprietates, quæ ex imagine & similitudine Dei cum hominibus communicatæ sint,

H

com.

commemorat, quarum prima est, quod animus noster incorporeus est & indiuiduus; 2. quod immortalis. 3. quod intellectu, voluntate, & memoria præditus est. 4. Quod libro arbitrio pollet. 5. Quod capax est supremæ virtutis, diuinæ gratiæ & felicitatis æternæ, quæ est in clara Visione Dei collocata: 6. Quod cunctis animantibus non solum dignitate præcellit, sed etiam potestate dominatur. Hæc P. Pererius.

Nihil est Deo similius, quam vir animo perfectè bonus, qui tam hominibus cæteris antecellit, quam ipse à Dijs immortalibus distat. Apuleius. De Deo Socratis.

Semina in corporibus humanis diuina sparsa sunt, quæ si bonus cultor excipit, similes originì prodeunt fructus, & pares his, ex quibus orti sunt, surgunt. Seneca. Ep. 73.

120. MORS PIORVM.) Beati mortui, qui in Domino moriuntur. Apocal. c. 17.

Mors optanda Bonis, requies ea certa laborum.

Homerus.

Nemo lugendam mortem censet, quam immortalitas sequitur. Seneca.

Dies ille, quem tanquam extremum reformidas, æterni natalis est. Seneca. Ep. 102.

Mors miseriarum finis: contra iniurias vitæ, beneficium mortis habendum: Cogita quantum bon

boni mors opportuna habeat : quam multis diutius vixisse nocuerit. Seneca in consol. ad Marciam. c. 20.

Placet prudentibus non cum corpore extingui magnas animas, sed placidè quiescere. Tacitus.

121. MORS BONIS NON METVENDA.)
Effice tibi mortem cogitatione familiarem, vt cum fors tulerit, possis ei obuiam ire. Seneca.

Venientem mortem nemo hilaris excipit, nisi qui se ad illam diu composuit. Sen.

Incorrupti voluptatibus nec mortem horremus, nec Deos : scimus mortem malum non esse, Deos malos non esse. Sen. ep. 76.

Mors perfugium ærumnosæ vitæ : senescentes annos cum rugis, flores mortis cogita : mortem fructum quietis. Mors requies ærumnarum in luctu atque miserijs, cuncta mortalium mala dissoluit.

Quando annis in senectutem vergentibus appropinquare cernis illum diem, quo tibi ex hac vita sit migrandum, cogita, quam purus abscedas, quam innocens ad iudicem venias. Lact. l. 7. ca. vlt.

122. ANIMARVM IN COELVM REDITVS.)
Animus morientis, vnde exijt, redit. Animus maiore sui parte illic est, vnde descendit hæret semper origini suæ. Seneca. ep. 41.

Scit quò iturus sit animus viri boni, qui, vnde venit, meminit. Sen. ad Helui. in consol.

Animus ex cœlesti spiritu descendit. Ibidem.

Equo animo debet rediturus exire. Sen. ep. 36.
Nemo mortem hilaris excipit, nisi qui se ad eam
diu composuerit. Ptolomæus.

123. SVS LOTA.) Contigit illis illud verū
prouerbum: Canis reuersus ad vomitum, & sus lo-
ta ad volutabrum luti. Epistola. 2. Petri in fin.

124. CANIS AD VOMITVM.) Sicut canis,
qui reuertitur ad vomitum suum: sic imprudens,
qui iterat stultitiam suam. prouerb. 26.

125. PECCATA MORTIFERA.) Per pec-
catum mors intrauit in mundum. Genes. 2. Paulus
ad Romanos. 5. & 6.

Peccatum pabulum mortis, Lactantius de vera
sapientia lib. 4. c. 25. appellat.

126. TITYONIS IECVR IMMORTALE.)
Per vulturem, immortale iecur Tityonis assiduò
tundentem, intelligi voluerunt veteres, tormenta
malæ conscientiae, obnoxia flagitio viscera interio-
ra rimantis, & ipsa vitalia indefessa admissi sceleris
admonitione laniantis, tanquam fibris nascentibus
inhærendo, nec vlla sibi miseratione parcentis.
Macrob. in Som. Scip. lib. 1. c. 10.

Συνείδησις πλήθει τὴν ψυχὴν.

Conscientia est, quæ plagas animo infert. Menand.

Secura mens, quasi iuge conuiuium. prouerb.
ca. 15.

Videatur Eras. in prouerb. Conscientia mille
testes.

Con-

*Conscia mens, ut cuiq₃ sua est, ita concipit intra
Pectora, pro facto spemq₃ metumq₃ suo. Ouid.*

127. SISYPHI SAXVM.) Saxum ingens
voluere, in efficacibus laboriosisque conatibus
vitam terere : atram silicem, lapsuram semper
& cadenti similem, illorum capitibus imminere,
veteres significare voluerunt, qui officia, vel pote-
states, vel functiones affectârunt, & consecuti sunt,
viribus ipsorum impares, qui nunquam sine timo-
re viuunt, ad quos alluisse videtur Virg. 6. Æneid.

*Hinc metuunt, cupiuntq₃, dolent, gaudentq₃, nec auras
Respiciunt, clausa tenebris & carcere ceco.*

128. POMA ET AQVÆ TANTALI.) Quo
magis magisque acquirendi desiderium cogit præ-
sentem copiam non videre, qui in affluentia inopes,
egestatis mala in vbertate patiuntur, nescientes
parta respicere, dum egent habendis. Hi sunt illi,
quos Tantalus epulis ante ora positus cruciari, fame
& inedia tabescere veteres poëtæ finxerunt. Ma-
crob. in Som. Scip. lib. 1. ca. 10.

129. PLANCTVS MALÆ MORTVORVM.)
Quando suâ spe se falsos esse impij senserint, tum
illud, Eheu, frequens in ore, pariter & heu, & hui
mihi. Lucian. in Charonte.

130. CHAOS INTER BEATOS ET DAM-
NATOS.) Est inter nos & vos (beatos & damna-
H 3 tos)

ros) chaos magnum firmatum, vt hi qui volunt hinc transire ad vos, non possint, neque indè huc transire. Luc. 16.

Quod si ab initio homines perpenderent, mortales se esse, & posteaquam paululum temporis in vita fuerint peregrinati, hinc relictis terrenis rebus omnibus, velut è somno migraturos, fortasse & prudentius & circumspectius vitam ducerent, & cum moriendum esset, minus angerentur. Luci. in Char.

131. POENÆ INFERNALES ÆTERNÆ.)
Ignis eorum non extinguetur, & vermis eorum non morietur. Es. 66. Mar. 9.

In die iudicii visitabit illos: dabit enim ignem & vermes in carne eorum, vt vrantur & sentiant in æternum. Iudith, c. 16. In diebus illis quærent homines mortem & non inuenient eam, & desiderabunt mori, & fugiet mors ab illis. Apoc. 9.

Dicent damnati montibus & petris: Cadite super nos, & abscondite nos à facie sedentis super thronum. Apoc. ca. 6.

132. SPIRITVS CVM CARNE LVCTA.)
Video aliam legem in membris meis, repugnantem legi mentis meæ, & captiuantem me in lege peccati, quæ est in membris meis. ad Rom. 7. sub finem.

Caro concupiscit aduersus spiritum, & spiritus aduersus carnem. Hæc enim sibi inuicem aduersantur, vt non, quæcunq; vultis, illa faciat, ad Gal. 5.

De assidua velitatione partium hominis, quæ duæ sunt, **RATIO** Et **OPINIO**, vide pulchra & lectu non minus iucunda, quam vtilia, apud Lipsiũ, De constant. lib. 1. c. 5. vbi qualiter **RATIO**, tanquam nobilior pars animæ, **OPINIO** corpori, discordi quadam concordia imperet, declarat.

133. **MISERICORDIA SEVERITATI PRÆTERENDA.**) Melior est misericordia tua super vitas, labia mea laudabunt te. Ps. 62.

Ægyptij imaginẽ optimi principis tali Hieroglyphico exprimebant, vt sceptrũ in manu teneret, in cuius ima parte caput hippodami, ferocissimi animalis, in summitate caput Ciconiæ, auis mansuetissimæ representaretur: hoc misericordiã, illo iustitiam Regi comendatam esse debere significare volentes: clementiæ tamẽ seu misericordiæ primas deberi.

134. **AD DEVM IN ADVERSIS RECVRRENDVM.**) Ad Christum dominum in nauicula (Petri) dormientem, exorta valida tempestate accesserunt discipuli, qui cũ ipso in nauicula erant, excitantesq; cum dixerunt, domine salua nos, perimus. Matth. 8.

Plenissimi sunt libri & historiæ, sacre & profanæ, exemplis & præceptis ad Deum in necessitatib⁹ per preces & obsecrationes publicas & priuatas recurrendum esse.

Ad Dominum cum tribularer, clamaui, & exaudiuit me. Ps. 92. & mille alijs locis psalmor. & prophetarum.

Vide supra ad nu. 92. ex Sen. & Epict. allegata.

QUESTVS PVBLICI.
De vitioso horum temporum statu,
super illud, Io. 1. c. 5.

TOTVS MVNDVS IN MALIGNO
POSITVS EST.

OPtima virtutum omnium, & assequendarum & conseruandarum ratio est, si (teste Tertulliano in libro de pudicitia, in principio) natura præstruxerit, si disciplina persuaferit, si censura compresferit. Siquidem omne animi bonum, aut nascitur, aut eruditur, aut cogitur: sed ut mala magis vincant, quæ vltimorum temporum ratio est, bona iam non nasci licet, ita corrupta sunt semina: nec erudiri, ita deserta sunt optimarum rerum studia: nec cogi, ita exarmata sunt iura.

De vitiosissimo horum tem-
porum statu.

Ætas parentum nequior
Avis, nepotes protulit
Nos nequiores, posthumos
Datura mox nequissimos.

Qui sic? an instar corporis
Effæti, & annis obsiti,
Mundus senectâ deficit,
Vigoris expers pristini?

Natura quod non præstruat,
Nec ars sequens persuadeat,
Censura quod non corrigat,
Fons hic malorum creditur.

Bonum omne nempe, aut nascitur,
Domi forisue addiscitur,
Aut in foro per Iudicis
Iustum rigorem cogitur.

Natura cum corrupta sit,
Et disciplina langueant,
Leges sepulta dormiant,
Qua spes bona Reipublica?

*Mens principum caligine
Percussa passim maxima,
Annis, & usu exercitis
Non obsecundant Patribus.*

*Iuvenum procax audacia,
Ad gratiam loquentium,
Et vana collaudantium,
Libitum licere Prædicat.*

*Quis Christiani dogmatis
Sensus, quid Equum, quid Bonum,
Iustæq; leges postulent,
Se scire iactant singuli.*

*Qui quod scit, actu comprobet,
Deiq; amore & proximi
Amet bonum, malumq; abhorreat,
Cygno nigro est simillimus.*

*Qualis fame latrantium
Rabies luporum dissipat
Greges bidentum, deuorans
Captas hiantæ gutture;*

*Aut vultures pernicious
Alis columbas in sequi
Campis solent parentibus,*

*Prenſasq; plumis exuunt;
Sic gens feris immitior,
In ſanctitate nobiles
Sequit viros, & ſæminas,
Stygio furore percita.*

*Festos dies Catholicæ
Eccleſiæ prudentiâ
Juſtis Kalendis additos
Violat profanis actibus.*

*Mysterium quo maximo
Ara imbuuntur hoſtijs
Ipſum Deum exhibentibus,
Abominantes inſpuunt.*

*Summum ſacrorum Præſidem,
Chriſti & Petri Vicarium,
Auctoritas cui clauium
Cœleſtis aule credita eſt,*

*Linguis veneno peſſimo
Tinctis, pudere neſcijs,
Et veritatis hoſtibus
Inceſſit, vrit, impetit.*

*Sic Antichriſto publicane
Sternens viam, cui proximo*

*Per atheismum ianuas,
Valuasq; apertas porrigit.*

*Quæ, prò dolor, quæ tempora
Nos implicant? ad ultimam
Ventum est malorum lineam,
Nutant polorum cardines.*

*Rerum Parens ter Maxime,
Cui cuncta parent, & patent,
Da, ne ruina proximos
Nos imparatos obruant.*

*A criminum contagio
Puros, & innocentia
Nos restitutos protege,
Ne mors relapsos occupet.*

*Tu tu interim Sanctissimi
Laudem tuere nominis,
Quod cælites, quod inferi,
Quod adorat terra, & omnia.*

*Quid enim feras, & longius
Patiaris insolentias*

*Hominum sub imo pectore
Dicentium: Non est Deus?*

Qui prosperis successibus

*Proteruiore in dies,
Sanctos tuos blasphemijs,
Et nos premunt calumnijs?*

*Quousq; facta publicis
Exasperant conuicijs?
Et gloriantur pessimis
Perversi in actionibus?*

*An instar ignis omnia
Passim uorantis in tuos.
Nullo vicissim territi
Metu ultionis sauiant?*

*Sic continentur auribus,
Oculisq; captus, sustines
Tantis tuos iniurijs
Impune diuexarier?*

*Cur dextera potentiam
Tandem tue non exeris,
Rerum potens, & unico
Nutu gubernans omnia?*

*Te vidit orbis hostium
Semper tuorum vindicem,
Qui te laceßere impijs,
Non desiñere vocibus.*

Testis Pharon Ægyptius,
 Quem persequentem hostiliter
 Lectos tibi Abrahamidas
 Vnda obruerunt aquoris.

Testis ferox Sennacharib,
 Qui Sanctæ ad urbis mœnia
 Percussus ense Archangeli
 Turpi fuga dilapsus est.

Testis Syrus, cui fœmina
 Viro sepulto & crapulâ
 Caput abstulit cernicibus,
 Sic liberans Bethuliam.

Furijs nihil minoribus
 Tue minax Ecclesiæ
 Bellona sauit HÆRESIS,
 Inimica paci publice.

In hanc tue iracundie
 Torque, retorque fulmina,
 Donec vagis erroribus
 Ad nos recurrat agnitis.

Nostris quidem non impares
 Pœnas damus reatibus,
 Sed iniquitates abluat

Flumen tuæ clementiæ.

Quibus diu te offendimus,
Culpas fatemur, sed noua
Te dante vitæ regulas
Spondemus & prestabimus.

Nos propter altum dormienti
Cymba in Petraea surgere
Non differ: en quæis undiq;
Circumdatur periculis.

Quos Æolus Iunonijs
Furijs, & iris excitus,
Euros Nothosq; & Africos
Vna ruentes concitet.

Vt lege Fati debito
Latio pios Æneidas
Excludat, & nunquam sinat
Portum salutis tangere.

Hos tu tridente Maximo
Æternitatis præpotens,
Iunone maior & Æolo
Compone fluctus aquoris.

Tot iam tot annis pendimus
Pœnas malorum, sit satis

Tot

MEMORARE

Tot millibus myriadum
 Haustis Stygis voragine.
 Gregem pusillum relliquum
 Semen piè credentium,
 Et rite te colentium

Cur interire indulgeas?
 Placatus adsis, & tua
 Portas reclude gratie,
 Nos propter hæcenus malos
 Causam tuam cur deferas?

Memor tui sis fœderis,
 Quo te Petrina Ecclesie
 Non defuturum tristibus
 Fidem dedisti casibus.

Quales apri micantium
 Rictu timendi dentium,
 Tuo rigatam sanguine
 Vastare pergunt Vineam.

Quanta hinc & hinc immanitas,
 Et vis luporum proxima
 Gregis tui magalijs
 Diros minetur impetus,
 Pastor Pone, & ter Maxime

Vultu

*Vultu sereno respice,
Apri arceantur Vineâ,
Lupi tuis ouilibus.*

*Sic nos procul periculis
Pacis refecti pabulo,
Læti tuas per omnia
Laudes canemus secula.*

OMNE QVOD EST IN MVNDO, CONCV-
pifcentia carnis est, & concupifcentia oculorum, &
superbia Vitæ. 1. Ioann. c. 2.



*Horrescunt oculi visas in imagine caruas,
Et tamen has cæcum pectus amare solet.*

O Ter quaterq; flebiles,
Et mente leua praditos,
Quos dira temporalium
Rerum cupido sic habet;

Vt prater eminentia
Titulos, opes superfluas,
Et carnis appetentiam,
Nil expetendum censeant.

Quid quaris hic spectarier,
Vbi meta vite tam brevis,
Oblitus ignes Tartari,
Vbi vita Mors perennis est?

Quid habendi amore sordidus,
Arcas metallis optimis
Onerare, villas pradijs
Emptis studes extendere?

Horum nihil post funera
Tecum auferes, heredibus
Nullas agent qui gratias,
Miser relinques omnia.

Quid ventris appetitibus
Frænum remittis laxius?
Carnis domet petulantiam,

Potus cibique parcitas.

*Quod suauiter te recreat,
Puncto fatiscit temporis,
Qui mox sequuntur anxij
Non est dolorum terminus.*

*O ceca mens mortalium,
Si differentias opum
Cœlestium à terrestribus
Saperes fideque apprenderes.*

*Illæ appetuntur segnius,
Partas fames non deficit,
Hasce impotenter quærimus,
Iuxta est repertas nausea.*

*Illæ solutis orbibus
Cœlestibus stant integræ,
Hæ fluxiles perennibus
Renes adurunt ignibus.*

*Quid multa? mundus & omnia
Mundi ruentis gaudia,
Velut umbra fumi transeunt,
Ut bulla stagnis innatans.*

*Facti voluptas reprobis,
Euro fugit velocior,*

*Pœna patrati criminis
Finem, modumq; nesciunt.*

*Hoc illud est Titij iecur
Nouem patens per iugera,
Quod vultur unco forcipe
Rostris perennis vellicat.*

*Hæc illa moles Sisyphi
Montis voluta ad verticem,
Mox unde ad ima denuo
Suo residit pondere.*

*O si, ter Optime Maxime
Considerationibus
Exerceamur talibus,
Memores diei nouissimi.*

*Quo te sedente Iudice
Totius orbis gentium,
Iustâ bilance congrua
Sua cuiq; reddes præmia.*

*Oves ab hædis segregans,
Dicturus his : Vos impij
Æternùm ABITE : Vos meæ
VENITE ciues patriæ.*

*Sic moribus nos integros,
Scelerumq; puros sordibus,
Spes ad futura gloriam
Vitæ foueret certior.*

F I N I S.

MONACHII.
Ex formis Nicolai Henrici.



Cum gratia et privilegio Sacrae Caesar. Maest.

Apud RAPHAELEM SADELERVM
Iconographum Ducalem venalis.

CLIO IOC XIX.

Cum facultate superiorum

THE NEW YORK

Public Library





Acquired from the


Library of the


City of New York

March 1881









3. MENN. coll. coll.
Praz p. 345

Landwehr, German 302-

Hollstein XXI, p. 282 (89-99).

With engraved title and 8
emblematical engravings by
R. Sadeler.

(10), 124, (2) pp.

Two library-stamps on title.



